

四庫全書薈要

• 乾隆御覽本

集部

欽定四庫全書薈要

集部

庚子山集卷十六

詳校官原任編修臣徐立綱



庾子山集卷十六

周 庾信 撰

錢塘倪璠纂註

誌銘

周譙國公夫人步陸孤氏墓誌銘

按步陸孤氏譙國公宇文儉之妻也建德三年儉進爵為王夫人以元年葬時方為公

夫人諱某字某本姓陸吳郡人也

周書云本姓陸賜姓步陸孤氏

大夫

拓境百越來庭丞相勒兵三江席卷

序陸氏之先也史記曰高祖時中國

初定尉佗平南越因王之高祖使陸賈賜尉佗印為南越王令稱臣奉漢約歸報高祖大悅拜賈為大中大夫過秦論曰南取百越之地韋昭曰越有百邑吳志曰赤烏七年以上大將軍陸遜為丞相遜剋關羽敗曹休歷著功績三江席捲謂相吳成江表王業也過秦論曰有席卷天下之意史記索隱注韋昭曰三江謂松江錢塘江陽江地理志曰有南江北江中江是為三江高祖載為劉義真長史留鎮關

中既沒赫連因即仕魏

周書陸通傳云曾祖載從宋武帝平關中還留載其子義真至

長安遂沒赫連氏魏大武平赫連載仕魏為中山郡守

臨終誠其子孫曰樂操風

土不忘本也

左傳范文子言鍾儀之辭

言念爾祖無違此心

詩云毋念爾祖

言此心思歸吳也

祖政驃騎大將軍儀同三司恒州刺史父通

柱國大將軍大司馬文安公匡贊經綸參謀揖讓名高

廣武功重長平

祖政父通事注見陸逞碑文匡贊經綸參謀揖讓者言天光敗後政歸周文帝

為行臺左丞爾朱氏滅通入關文帝引為帳內督是也郡國志滎陽有廣武城注云漢祖與項籍語處也漢書曰衛青封長平侯言夫人七德含章四星連曜敬愛天拜大將軍大司馬也

情言容禮典

左傳武有七德易曰含章可貞謂坤貞佐其武德也

九日登高作銘

秋菊三元告始或頌春椒

傳充妻辛氏作秋菊頌曰英英麗草稟氣靈和春茂翠葉

秋曜金華布獲高原蔓衍靈阿揚芳吐馥載芬載葩爰采爰拾投之醇酒御于王公以介眉壽服之延年佩之黃耆文園賓客乃用不朽晉書曰劉繇妻陳氏聰辨能屬文嘗正旦獻椒花頌其詞曰旋穹周迴三朝肇建青

陽散輝澄景載煥標美靈葩爰採爰獻聖容映之永壽於萬

年十有四甥於譙國

周明

帝武成元年封皇弟儉為譙國公

友其琴瑟愈恭節儉之心伐其條枚

實秉憂勤之德

關雎之詩云琴瑟友之葛覃詩序曰躬儉節用服澣濯之衣汝墳之詩云伐其

條枚毛傳云枚曰條榦曰枚鄭箋曰伐薪於汝水之側非婦人之事以言君子賢者而處勤勞之職亦非其事

也鄴地登高之錦自濯江波平陽采桑之津躬勞蠶月

陸劇鄴中記曰錦有大登高小登高九域志曰竿橋江水亦名濯錦江俗云以此水濯錦則鮮明後漢郡國志曰河東郡平陽侯國有采桑津左傳僖八年晉侯敗狄於采桑是也天和元年冊拜譙國

夫人東武亭之妻既稱有秩南城侯之婦還聞受封

魏志

曰鍾繇封東武亭侯少子鍾會傳注云會為其母傳曰夫人張氏字昌蒲太原茲氏人太傅定陵侯之命婦也王隱晉書羊祜傳曰武帝封祜妻夏侯氏為萬歲鄉君羊祜泰山南城人也

柱國殿下

周武帝天

和二年以大將軍譙國公儉為柱國

以名華分照增城峻上揚旌彗道問

政卽都白狼之溪途艱黃牛之坂荔枝之山地險葡萄

之國

言譙國公使蜀道路之險也周書云儉以天和中出為益州刺史名華若木也山海經曰灰野之山

上有赤樹青葉赤華名曰若木郭璞云生崑崙西附西極其華光赤下照地楚辭曰增城九重漢書地理志犍為郡犍道應劭曰故犍侯國也音蒲北反又地志越犍郡有卽都縣南山出銅有卽池澤右北平郡有白狼縣師古曰有白狼山故以名縣後漢書西南夷傳曰自汶山以西白狼槃木唐最等百餘國又云和帝永元十三

年旄牛徼外白狼等率種人歸義內屬水經注曰黃牛山下有黃牛灘行者謳曰朝發黃牛暮發黃牛三朝三暮黃牛如故華陽國志曰夔道縣有荔枝史記大宛傳曰大宛國有蒲萄酒

夫人別離親戚

關河重阻夷歌一曲未足消憂猿鳴三聲沾衣無已

言夫

人與譙國公至蜀鄉關之思遂爾成疾也後漢南蠻傳曰閬中有渝水其人多居水左右天性勁勇初為漢前鋒數陷陳俗喜歌舞高祖觀之曰此武王伐紂之歌也乃命樂人習之所謂巴渝舞也夷歌即巴相蠻夷歌也夫人在巴蜀聞此歌不足消憂矣表崧宜都記歌曰巴東三峽猿鳴悲猿鳴三聲淚沾衣

是以天厲

之疾遂成沈痼玉瀝難開金膏實遠

山海經曰少室之山其上多玉郭注

此山巔亦有白玉膏服之即得仙道世人不能上也詩含神霧云又崧山有玉膏其源沸沸湯湯黃帝是饗是



食玉瀝玉膏也穆天子傳  
曰河伯曰示汝黃金之膏  
建德元年七月九日薨於成

都私第春秋二十有一即以年十一月二十三日歸

葬長安之北原詔贈譙國夫人禮也殿下神傷秋月掩

淚長松周季直之留書更深冥漠潘安仁之詞藻徒增

哀怨荀粲別傳曰粲婦病亡粲不哭而神傷寡婦賦曰長松萋萋兮振柯周季直書未詳當亦傷妻之所

作也潘岳悼亡賦及哀永逝文皆傷妻之作岳字安仁滎陽中牟人也  
豈直西河女子獨

見銀臺東海婦人先逢金闕張衡思立賦曰聘王母於銀臺注云玉母西王母也

銀臺仙人所居也按西王母居崑崙崑崙為河水之源  
在西其西河女子邪神仙傳麻姑謂王方平曰接待以

來已見東海三為桑田向列蓬萊水淺淺於往日會時  
畧半也豈將復為陵陸乎方平笑曰聖人皆言海中復  
揚塵也按十洲記蓬萊與方丈瀛洲為三神山漢書郊  
祀志此三神山在渤海中黃金白銀為宮闕故蓬萊得  
稱金闕矣

銘曰

芟陵反旆椒山止戈金精據嶺昌閣凌波西遊卿相東

裂山河華亭冠冕穀水絃歌

言陸氏之先漢有陸賈吳有陸遜也芟陵反旆椒山

止戈者言漢高弗伐南越魏帝不攻東吳也芟陵椒山未詳左氏傳曰止戈為武金精據嶺者言趙佗自立為南越武王也天官星占太白金之精又月賦日月以降靈亦曰金精金精月也按左傳鄢陵之戰呂錡夢射月中之退入于泥占之曰姬姓日也異姓月也時漢帝為尊日也南越為卑月也趙陀王越為金精據嶺矣云據

嶺者按史記索隱曰陽山嶺也又云南野大庾嶺三十里至橫浦有秦時關桂陽有陽山縣今此縣上流百餘里有騎田嶺當是陽山關昌閣疑閭闔謂吳也吳為水國故云凌波謂凌江建國也東裂山河華亭冠冕為陸遜也時天下三分而吳都江東是為東裂八王故事曰華亭吳由拳縣郊外墅也西遊卿相穀水絃歌謂陸賈歸漢也漢都關中故云西遊史記曰陸賈楚人以客從高祖定天下使南越歸拜大中大夫以好時田善可以家焉常安車駟馬從歌舞鼓琴瑟侍者十人寶劍直百金漢書地理志曰穀水出穀陽谷東北至穀城入洛

震維徙族燕垂從宦塞入飛狐關連鳴雁策預登阜功

參臨澗寶鼎留銘彫戈餘贊

震維徙族燕垂從宦者謂載從宋武帝子義真至長

安遂沒赫連也塞入飛狐至瑀戈餘贊謂魏大武平赫連載仕魏政為驃騎將軍恒州刺史父通參謀機密有

匡贊之功也如淳曰飛狐在代郡山海經曰雁門之山無草木郭注曰雁門山即北陵西隄雁之所出因以名

云在高柳北皆恒州地也登阜臨澗謂周太祖與齊神武戰爭之日若廣武鴻溝也寶鼎留銘彫戈餘贊者漢書郊祀志曰美陽出鼎獻之中有刻書曰王命尸臣官此拘邑賜爾旂鸞黼黻彫戈尸臣再拜稽首曰敢對揚

天子丕顯休命應圖淑令秉禮言歸魚軒馮軾澤雉文衣

言夫人生

而有令德也漢書藝文志有劉向列女傳頌圖詩曰言告言歸左氏傳曰歸夫人魚軒又子玉曰請君馮軾而觀之澤雉文衣謂翟服也周禮內司服云褱衣褕狄闕狄是也翟雉也

明月照鏡仙石支

機行雲細起迴雪輕飛

蜀王本紀曰武都丈夫化為女子蜀王納以為妃無幾物故葬

於成都郭中以石鏡一枚以表其墓荆楚歲時記曰張騫使大夏尋河源乘槎經月而至一處見織女取支機

石與騫而還高唐賦曰旦為朝雲暮為北降帝子南麾  
行雨洛神賦曰飄飄兮若流風之迴雪

蜀守若水既開靈山已鏤月峽猿啼江神牛鬬

帝子謂  
儉也蜀

守謂儉為益州刺史也華陽國志曰旄牛在邛崃山表

邛人自蜀入度此山甚險難南人毒之故名邛崃有鮮

水若水一名州江劉淵林蜀都賦注曰靈開山名在成

都西南漢壽界華陽國志有明月峽郡國志巴郡枳縣

是杜預益州記曰二江者邛江流江也風俗通曰秦昭

王使李冰為蜀守開成都縣兩江溉田萬頃神須取女

二人以為婦冰自以為女與神婚徑至祠勸神酒酒杯

滄滄因厲聲責之因忽不見良久有兩蒼牛鬬於江峰

有間輒還流江謂官屬曰吾鬬疲極不當相助耶南

向腰中正白者我綬也主簿刺殺北面者江神遂死星

機北轉日轡西迴陽泉伏氣陰律沈灰

星機織女星也  
日轡日御也楚

辭曰吾令羲和弭節兮注云羲和日御也史記律書曰十一月律中黃鍾陽氣踵黃泉而出也後漢書律歷志曰候氣之法為室三重加律其上以葭蓂灰抑其內端案歷而候之氣至者灰去言葬時十一月也鶴辭

吳市鳳去秦臺神光離合燈影徘徊

吳越春秋曰吳王閭閻葬女於閭閻

門外乃舞白鶴於吳市中令萬民隨而觀之還使男女與鶴俱入延門因機發以掩之殺生以送死列仙傳曰蕭史秦穆公時人善吹簫穆公有女號弄玉好之公遂以妻焉遂教弄玉作鳳鳴為作鳳凰臺夫婦止其上一旦隨鳳凰去洛神賦曰神光離合乍陰乍陽漢書曰李夫人卒上思念不已方士齊人少翁言能致其神迺夜張燈燭設帷帳陳酒肉而令上居他帳遙望好女如李夫人之貌還幄坐而步又不得就視上愈益相思悲感賦云何靈魂之紛紛

雙流反葬百兩迴旌少女離位夫

人去城

蜀都賦曰帶二江之雙流雙流二江也言從雙流反葬也百兩車也詩曰百兩將之旌明旌也

周易繫辭曰兌為少女漢書曰漢軍乘勝追北至范夫人城張宴曰范氏能詛胡者帷堂野設帳

殿郊營山川奇事風月無情

左氏傳曰聲已不視帷堂而哭檀弓曰尸未毀飾故

帷堂小斂而徹帷至大斂之節又帷堂以至於殯恒帷堂又云帷殯非古自敬姜之哭穆伯始也

搖落

丘隴荒涼封域樹樹秋聲山山寒色草短逾

一作愈

平松

長轉直節墳方固園陵永植

### 周趙國夫人紇豆陵氏墓誌銘

按紇豆陵氏趙國公宇文招之妻也武成元年正平公招為趙國公建德三年招封趙王建德

元年天和之七年也夫人  
葬在七年時招方為公矣

夫人諱含生本姓竇扶風平陵人

周書竇熾傳云漢大鴻臚章十一世孫章

子統靈帝時為雁門太守避竇武之難亡奔匈奴遂為部落大人後魏南徙子孫因家於代賜姓紇豆陵氏累世仕魏皆至大官魏其朝議列侯則莫敢抗禮

漢書曰七國破封竇嬰為魏其

侯游士賓客爭歸之每朝議大事條侯魏其列侯莫敢與抗禮安豐奉圖功臣則咸推

上席

後漢書曰光武賜竇融以外戚屬圖及太史公五宗外戚世家魏其侯列傳後以功封安豐侯就諸

侯位賞賜恩寵傾動

外戚列傳既聞建武之書

光武即位建元

京師在功臣之右

為建武又竇融封建武男後漢書曰融為建武男融小心精詳每決策東向光武帝欲招之以避囂述亦發使



遣融書所以慰藉之甚備融既深知帝意乃與隗囂書責讓之與五郡太守共砥厲兵馬上書請師期帝深嘉美之乃賜融仲山古鼎或表單于之獻

後漢書竇憲傳曰單于遣憲古

鼎容五斗其傍銘曰仲山甫鼎其萬年子子孫孫永保用乃上之拜憲大將軍封武陽侯紇豆陵氏本出竇姓

若仲山祖略少保建昌郡公

周書云平遠將軍以熾勲贈少保柱國大將軍建昌

公父織

周書作熾

柱國大將軍太宗伯鄧國公孟津大誓常

預同德之臣咸陽違約克贊先登之主

言北魏西遷熾有從駕之功也

周書竇熾傳云帝與齊神武有隙以熾有威重堪處爪牙之任從帝西遷與高金龍戰於千秋門敗之因入宮城又大統元年復擒竇泰復弘農戰沙苑皆有功尚書武王伐殷師渡孟津作泰誓漢書高帝紀元年西入咸

陽項羽引兵西屠咸陽使入還報懷王懷王曰如約羽  
曰懷王者吾家所立耳非有功德何以得專主約是違  
約也並得位入六府功叅八柄尚書曰六府金木水火土  
穀也周禮曰太宰以八柄

詔王馭羣臣爵祿  
予置生奪廢誅也

夫人有文在手有象應圖

左氏傳曰  
宋仲子生

而有文在其手曰為魯夫人正義曰隸書起於秦末手  
文必非隸書石經古文魯作衣手文容或似之其文及  
夫人固當有似之者也  
劉向著列女傳頌圖

榮曜夙彰徽華早茂肅恭以禮

受教於公宮言容以德有聞於師氏

詩曰言告師氏毛  
傳曰師女也古者

女師教以婦德  
婦言婦容婦功

及乎進賢君子內主邯鄲琴瑟在堂輜

輶是服

詩序曰卷耳后妃之志也又當輔佐君子求賢  
審官知臣下之勤勞內有進賢之志而無險詖

私謁之心朝夕思念至於憂勤也邯鄲趙地言歸於趙國公也輜輶有擁蔽之車也列女傳曰齊孝公華孟姬謂公曰妾聞后妃踰閭必乘安車輜輶

長久於節不無秋菊之銘履端於

始或有椒花之頌

注見步陸孤氏誌銘

豈止莊姬掩口

一作笑一作淚

楚

相知慙定姜問非齊兵不入

劉向列女傳曰楚姬者楚莊王之夫人也莊王即位

好田獵樊姬諫不止乃不食禽獸之內王改過勤於政事王嘗聽朝罷宴姬下殿迎曰何罷宴也得無饑倦乎王曰與賢者俱不知饑倦也姬曰王之所謂賢者何也曰虞丘子也姬掩口而笑王曰姬之所笑何也曰虞丘子賢則賢矣未忠也王曰何謂也對曰妾執巾櫛十一年遣人之鄭衛求美人進於王今賢於妾者二人同列者七人妾豈不欲擅王之寵愛乎妾聞堂上兼女所以觀人能也妾不能以私蔽公欲王多見知人能也妾聞

虞丘子相楚十餘年所薦非子弟則族昆弟未聞進賢退不肖是蔽君而塞賢路知賢不進是不忠不知其賢是不知也妾之所笑不亦可乎王悅明日王以姬言告虞丘子丘子避席不知所對於是避舍使人迎孫叔敖而進之王以為令尹治楚三年而莊王以霸楚史書曰莊王之霸樊姬之力也左傳襄十年曰衛侯救宋師於裏牛鄭皇耳帥師侵衛孫文子追之獻兆於定姜姜氏問繇曰兆如山陵有夫出征而喪其雄姜氏曰征者喪雄禦寇之利也大夫圖之衛人武成二年冊拜趙國公追之孫蒯獲鄭皇耳於大丘

夫人漢王聞立義之婦邑以延鄉齊侯見有禮之妻封

之石窳異代同榮差無慚德

陳留風俗傳曰延丘者衛地也故燕之延鄉高祖與

項氏戰敗有翟母者免其難故以延鄉封焉左傳成二年鞏之戰齊侯見保者曰勉之齊師敗矣辟女子女子

曰君免乎曰免矣曰銳司徒免乎曰免矣曰苟君與吾父免矣可若何乃奔齊侯以為有禮既而問之辟司徒之妻也子之石窳杜注石窳邑名濟北盧縣東有地名石窳

柱國殿下居若木之一

枝在天潢之別派

言趙國公姓宇文出自國族也楚辭曰折若木以拂日史記天官書曰王

良旁有八星揚旌玉壘驅傳銅陵南通向日之民東被絕漢曰天潢

無龍之國

周書趙王招傳云保定中拜為柱國出為益州總管華陽國志曰杜宇相開明決玉壘山

以除水害揚雄蜀都賦曰西有鹽泉鐵冶橋林銅陵漢書地理志曰日南郡故秦象郡屬交州師古曰言其在日之南所謂開北戶以向日者又北景縣如淳曰日中於頭上景在己下故名無龍疑無雷西域傳無雷國王治盧城東北夫人從政月峽贊德雲門錦濯江波還臨至都護治所

織室山明石鏡即對粧樓

華陽國志曰枳縣有明月峽蜀都賦曰決渠石以為雲門

又華陽國志曰蜀郡西城故錦宮也錦江織錦濯其中則鮮明濯他江則不好故命曰錦里也又曰武都有一

丈夫化為女子美而艷蓋山精也蜀王納為妃不習水土欲去必欲留之乃為東平之歌以樂之無幾物故蜀

王哀之乃遣五丁之武都擔土為妃作冢蓋地既而王數畝高七丈上有石鏡今成都北角武擔是也

律頻移金爐不變

續漢書曰候氣之法殿中候用玉律十二惟二至乃候靈臺用竹律六十

胡香四兩嗟西域之使稀靈草一株

一作枝

恨瓊田之路

絕

東方朔十洲記曰聚窟洲人鳥山多大樹與楓木相類而花葉香聞數百里名為反魂樹扣其樹亦能自

作聲聲如羣牛吼聞之者皆心驚神駭伐其木根心於玉釜中煮取汁更微火煎如黑飴狀令可丸之名曰驚

精香或名震靈丸或名反生香或名震檀丸或名人鳥  
精或名却死香一種六名斯靈物也香氣聞數百里死  
者在地間香氣乃却活不復亡也以香薰死人更加神  
驗征和三年武帝安定西胡月支國王遣使獻香四兩  
大如雀卵黑如桑椹帝以香非中國所有以付外庫後  
元元年長安城內病者數百亡者大半帝取月支神香  
燒之於城內其死未三日者皆活芳氣經三月不散於  
是信知其神物也乃更秘錄餘香後一旦又失之檢函  
封印如故無復香也帝愈懊恨恨不禮待於使者益責方  
朔之遺語自愧求李君之不勤慚衛卿於階庭矣明年帝  
崩於五祚宮己亡月支國人烏山震檀却死香也向使  
厚待使者帝崩之時何緣不得靈香之用耶自合隕命  
矣又曰祖洲近在東海之中地方五百里去西岸七萬  
里上有不死之草草形如菰苗長三四尺人已死三日  
者以草覆之皆當時活也服之令人長生昔秦始皇大  
宛中多枉死者橫道有鳥如烏狀銜此草覆死人而當

時起坐而自活也有司聞奏秦始皇遣使者齋草以問  
北郭鬼谷先生先生云此草是東海祖洲上有不死之  
草生瓊田中或名為養神芝其葉似菰苗不叢生一株  
可活一人始皇于是慨然言曰可操得否乃使使者徐  
福發童男童女五百人率搨樓船等入海尋  
祖洲遂不返福道人也字君房後亦得道也

天和五年

四月二十二日薨於成都之錦城春秋二十孫子荆之

傷逝怨起秋風潘安仁之悼亡悲深長簫

晉書曰孫楚字子荆太原

中部人也楚除婦服作詩以示王濟濟曰未知文生於  
情情生於文覽之悽然增伉儷之重又曰潘岳字安仁  
哀永逝文悼亡賦况復仙臺永別無復簫聲傳母長歸  
皆陽妻之詞也

惟留琴曲

仙臺即蕭史弄玉吹簫鳳臺事注見前篇列  
女傳曰傳母者齊女之傳母也女為衛莊公



夫人號曰莊姜母諭之作詩曰碩人其頤衣錦綢衣齊侯之子衛侯之妻東宮之妹邢侯之嬖譚公維私厲女之心以高節女遂感而自修君子善傳母之防未然也按國風為絲聲碩人之詩為琴曲也

七年二

月日歸葬於長安之洪瀆原詔贈趙國夫人禮也雲南

去來既留連於楚后光陰離合實惆悵於陳王

宋玉高唐賦曰

楚襄王與宋玉游於雲夢之臺望高唐之觀其上獨有雲氣所謂朝雲也陳王曹植也洛神賦曰神光離合乍

隆乍

陽  
銘曰

河西斗絕觀津孤起章武賢臣安豐賢

疑作

仕

後漢書曰竇融

世任河西為吏又曰河西斗絕在羌胡中注斗峻絕也前書成山斗入海漢書外戚傳曰竇少君聞皇后新立

家在觀津姓竇氏廣國去時雖少識其縣名及姓又嘗與姊採桑墮用為符信上書自陳皇后持之而泣乃厚賜之後封章武侯是孤起也木樓千仞金山萬里紹慶廣國封章武侯融封安豐侯

邢娥基昌宋子

後漢書竇固傳固與耿秉秦彭等絕漠六百餘里至三木樓山金山疑即金微

山也後漢和帝紀曰耿愛園北單于於金微山言竇氏亡奔匈奴也詩碩人云邢侯之娣毛傳曰妻之姊妹曰娣又衛門云豈其娶妻必宋之子箋云宋子姓施衿趙北侍母秦南紘紘禮數

厭狄駢駢

說文曰衿交社也毛萇曰女施衿結帨施衿趙北謂娉於趙國也侍母秦南謂招謂蜀州

總管也魯語曰王后親織玄紘公侯之夫人加之以紘紘韋昭曰冕曰紘紘纓之無紘者也從下而上不結紘冕上之覆也鄭康成曰狄當為翟翟雉也毛詩傳曰義車乘厭翟正義曰王后五路重翟為上厭翟次之

超江汜仁流苞覃玉筐迎驚金籠助

詩序曰江有汜美滕也鄭箋曰

喻江水大汜水小然得並流似嫡媵宜俱行詩序曰葛覃后妃之本化天下以婦道也呂氏春秋曰有娥氏二女為九成之臺飲食以鼓帝命燕往視之鳴若嗔嗔二女愛而爭搏之覆以玉筐少選發而視之燕遺卵而北飛遂不反高誘曰帝天也天命燕降卵於有娥氏女吞之生契也毛詩傳曰方曰筐圖曰莒釋為云葛周燕燕郭璞曰一名玄鳥齊人呼鳥孫炎曰別三名舍人曰葛周名燕燕又名乳孟子云禮曰夫人蠶繅以為衣服續漢書曰貴人助蠶璫瑁釵敬愛純深端莊淑問有光國加簪珥此言采桑躬織也

史無形喜愠舉案外恭停機下訓馨馥於蘭年華於舜

續列女傳曰梁鴻妻每進食舉案齊眉不敢正視列女傳曰孟子之少也既學而歸孟母以刀斷其織日子之

廢學若吾斷斯織也孟子懼旦夕勤學不息師事子思遂成天下之名儒蘭香草也詩云有女同車顏如薜華毛傳薜木槿也釋草云槿木槿樹木槿樊光曰別二名也其樹如李其華早生暮落與草同氣故在草中風

雨消散神靈離絕婺女還星姮娥歸月

漢書曰北宮有婺女星占曰婺

女為既嫁之女也易歸藏曰昔姮娥以不死之藥奔月

左楹夕奠高堂朝發空揚

凌波更無迴雪

史記孔子曰夏人殞於東階周人於西階殷人於兩柱間昨暮予夢坐英兩柱

之間繆熙伯挽歌朝發高堂上暮宿黃泉下洛神賦曰凌波微步羅襪生塵又云飄飄兮若流風之迴雪下

濕曰隰高平曰原

爾雅文也

西臨火井北望寒門猶垂雉服

尚駕魚軒

相如大人賦軼先驅於寒門應劭曰寒門北極之門也鄭康成周禮內司服褱衣褕狄闕

狄注云狄當為翟雉名伊洛而南素質五色皆備成章曰翟江淮而南青質五色皆備成章曰翟王后之服刻繒為之形而采畫之綴於衣以為文章禕衣畫翟者禕翟畫翟者闕翟刻而不畫此三者皆祭服從王祭先王則服禕衣祭先公則服禕翟祭羣小則服闕翟今世有主衣者蓋三翟之遺俗又外內命婦之服注云三夫人及公之妻其闕狄以下乎侯伯之夫人禕狄子男之夫人亦闕狄惟二王後禕衣紃豆陵為國公之妻按古制當服闕翟矣杜預左傳注云魚軒夫人車以魚皮為飾

平原忽矣天道何言山迴

地市路沒滕城

辛氏三秦記曰驪山始皇陵作地市生死人交易市平不得欺死人獨異志曰

漢夏侯嬰以功封滕公及死將葬未及墓引車馬踏地不前使人掘之得一石室室中有銘曰佳城鬱鬱三千年見白日吁嗟滕公

松悲鶴去草亂螢生新雲別起舊

居此室遂改卜焉

月孤明賢墳永式節隴常貞

周安昌公夫人鄭氏墓誌銘

周書元偉傳大將軍納言小司空荊州總管  
安昌郡公元則隋志永安黃陂縣周安昌郡

夫人諱某滎陽陽武人也周宣王之母弟倮侯於鄭鄭

莊公之重世卿士於周以國為族自茲而始

左傳僖二  
十四年曰

鄭有平惠之勲又有厲宣之親杜注曰鄭始封之族桓

公友周厲王之子宣王之母弟又隱三年曰鄭武公莊

公為平王卿士杜注曰卿士王

祖瓊太常恭侯周書云  
范陽郡

卿之執政者言父子秉周之政

和滎陽開封人為少司空

守贈安東將父穆司空貞公

周書列傳云鄭孝穆字道

軍青州刺史

和滎陽開封人為少司空

謚曰貞

西京賦詩奉常叅栢梁之宴東都言讖司空為武

衛

一作之官

漢書曰奉常秦官掌宗廟禮儀有丞景帝六年更名太常師古曰太常王者旌旗也

畫日月焉王有大事則建以行禮官主奉持之故曰奉常也後改曰太常尊大之義也武帝元封三年作栢梁臺詔羣臣二十石有能為七言詩乃得上坐太常周建德云撞鐘伐鼓聲中詩袁宏後漢紀曰建武元年野王令王梁為大司空封武強侯初赤伏符曰王梁主衛作玄武上以野王衛徙也玄武水神也司空水土之官也乃以梁為大司空上云奉常謂祖瓊為太常也下云司空謂父穆為司空也籍連帝譜既同

盤石門稱通德無廢儒林

鄭孝穆傳云賜姓宇文氏是與周同譜也後漢書鄭玄傳

曰高密縣為玄特立一鄉曰鄭公鄉題其門號為通德門

夫人禮義閨門端莊令淑

采采芣苢萋萋葛覃

毛詩傳曰芣苢馬舄馬舄車前宜懷妊焉郭璞曰今車前草大葉長

穗好生道邊江東呼為蝦蟆衣陸璣疏云馬舄名車前一  
名當道喜在牛跡中生故曰車前當道也幽州人謂  
之牛舌草可鬻作茹大滑其子治婦人難產鄭箋曰葛  
延蔓於谷中喻女在父母之家形體浸浸日長大也葉  
萋萋然喻其  
容色美盛也及乎作配君子言事舅姑下氣怡聲承巾

奉常親戚惟禮閨闈以睦

禮記內則曰以適父母舅姑之所及所下氣怡聲又曰進

盥少者奉槃長者奉水請沃盥卒投  
巾鄭注云槃承盥水者巾以悅手

保定二年冊拜榮

陽郡君序戚升榮從夫有秩豈惟立義

一作德

之婦邑以

延鄉有禮之妻封之石窀

注見前篇統  
豆陵氏誌銘

大將軍沉犀二



江夫人聞猿三峽明月靈關之阻秋風蜀道之難

言安昌公

出鎮益州夫人偕行道路之難遂以疾卒也益州記曰伏犀灘東南二十里有黃魚道岸今在犍道縣界括地志曰二江並在益州成都縣界杜預益州記曰二江郫江流江表崧宜都記曰峽中猿鳴至清山谷傳其響泠泠不絕行者歌曰巴東三峽猿鳴悲猿鳴三聲淚沾衣華陽國志曰枳縣有明月峽蜀都賦曰廊靈關而為門劉逵注曰靈關山名在成都西南漢壽縣界水經注曰自蜀西至邛笮其至險有弄棟八渡之難楊母閣路之阻掩以瑤華先從春露

楚辭曰折疏麻兮瑤華將以遺兮離居王逸注曰瑤華謂麻之

白華也漢書李陵曰人生如朝露

天和十八年五月二十日薨於成都

春秋三十有六詔贈安昌國夫人禮也即以其年十一

月十六日歸葬於咸陽之白起原遂使山迴反壤先封

節婦之陵日入虞淵實掩賢姬之墓

檀弓國子高曰葬也者藏也藏也者

欲人之弗得見也是故衣足以飾身棺足周于衣槨周于棺土周于槨反壤樹之哉淮南子曰日至于虞淵是

謂高春 嗚呼哀哉乃為銘曰

天河開國分畿置政地有十城人居九命

言鄭氏有國之始也史記

鄭世家桓公問太史伯曰王室多故予安逃死乎史伯曰獨洛之東土河濟之南可居地近號鄆號鄆之君貪而好利百姓不附今公為司徒皆愛公公誠居之號鄆之君見公方用事輕分公地公誠居之號鄆之民皆公之民也及王東徙其民洛東而號鄆果獻十邑竟國之虞翻曰十邑謂號鄆鄆蔽蒲丹依畎歷華也博物志曰

舊說云天河與海通天河開國謂鄭國都於河南豫州之地也周宣王母弟友封于畿內地理志京兆鄭縣是桓公之子武公與平王東遷洛邑遂伐虢鄆而并其地是為新鄭地理志河南新鄭是是分畿置政也其國在河洛之間故云天河言黃河之水與天通也十城謂十邑也人居九命者鄭國伯爵周禮曰九命作伯又按左傳策命晉侯為侯伯此九命作伯之伯特尊於侯異于五等之爵鄭伯未居九命在侯之下故魯以周班後鄭蓋借稱

疇昔之邑今茲成姓識履傳風叅興留慶

史記稱韓哀侯

滅鄭并其國鄭之子孫以國為氏漢書曰哀帝擢鄭崇為尚書僕射數求諫爭上每見曳草履笑曰我識鄭尚書履聲晉書曰武帝出三星在戶百兩言歸

三星在戶國風綢繆

之詞毛傳曰參星正月中直戶也鄭箋曰心星在戶謂之五月之末六月之中毛傳曰百兩百乘也諸侯之子

嫁於諸侯送御皆百乘又詩  
曰言告言歸傳云言我也

虔恭內政榮曜中閭承姑

奉盥訓子停機

內則曰進盥少者奉槃左氏傳曰懷嬴奉匱沃盥說文曰盥澡手也從白水臨

皿盥古緩反列女傳曰文伯退朝朝敬姜敬姜方績又  
孟子既學而歸孟母方織問曰學所至矣孟子曰自若  
也孟母以刀斷其織曰子  
之廢學若吾斷斯織也桑園蠶織錦室鸞飛珩璜節

步藻火文衣

詩云雜佩以贈之毛萇曰珩璜琚瑀珩珩牙  
之類釋文珩音衡佩上玉也半璧曰璜孔

安國曰藻水草有文者火  
為火字杜預曰火畫火也

巴水幽咽猿鳴斷絕月落珠

傷春枯桂折

巴水猿鳴注見本序呂氏春秋日月望則  
蚌蛤實羣陰盈月晦則蚌蛤虛羣陰缺漢

武帝悼李夫人賦  
曰桂枝落而銷亡

趙琴長辭秦簫永別貞姬掩隧節女

封墳

趙琴疑即趙瑟楊惲報孫會宗書婦趙女也雅善鼓瑟琴瑟通稱矣左氏傳曰晉侯請隧杜注云闕

地通路曰隧王之葬禮也正義曰隱元年傳闕地及泉隧而相見是闕地通路曰隧也禮記鄭注曰封謂聚土

為墳洛濱無月荆臺失雲鳥悲傷聽松聲愴聞千年遂古

百代餘芬

洛濱無月者曹植洛神賦曰流盼乎洛川又云彷彿兮若輕雲之蔽月荆臺失雲者宋玉

高唐賦曰楚襄王游雲夢之

臺玉對曰所謂朝雲者也

周大將軍隴東郡公侯莫陳君夫人竇氏墓誌銘

夫人諱某扶風平陵人也章武開國名高外戚之右安

豐入朝位在功臣之上

漢書曰竇后弟廣國字少君為退讓君子不以富貴驕人文帝

崩景帝立皇后為皇太后乃封廣國為章武侯後漢書曰竇融封安豐侯賞賜恩寵傾動京師在功臣之右

祖以孝昌之始主諾淮陽父以正光之初褰帷海岱昌考

正光魏明帝年號魏孝昌元年梁之普通六年也魏正光元年梁之普通元年也後漢書曰汝南太守范滂博南陽宗資惟畫諾又褰帷賈琮事禹貢海岱惟青州夫人生於禮義之門宗於歲

誠之德張華作女史歲曹大家作女誠虔恭惟禮令淑惟儀及乎百兩

言歸三星在戶歲盥始事條枚是則有子從政猶無逸

豫之心有夫出征自識山陵之兆國語曰公父文伯之母退朝朝其母其母

方績文伯曰以歌之家而主猶績懼于季孫之怒也其以歌為不能事主乎其母嘆曰魯其亡乎使童子備官

而未之聞耶昔聖王之處民也擇瘠土而處之勞其民而用之故長王天下夫民勞則思思則善心生逸則淫淫則惡心生沃土之民不材淫也瘠土之民莫不嚮義勞也列女傳曰鄭皇耳帥師侵衛孫文子卜追之獻兆於定姜曰兆如山林有夫出征而喪其雄定姜曰征者喪雄禦寇之利也大夫圖之衛人追之獲鄭皇耳於大丘君子謂定姜達於事情事出左傳

大統十六年冊授永安郡君婦以夫

尊親由子貴朝章家慶

一作成家之慶

兼而有之保定二年改

授隴國夫人車服禮數袿褙典則有美河魴足光彤史

車服所謂五路六服也方言曰袿謂之裾釋名曰婦人上服謂之袿詩云親結其褙爾雅婦人之褱謂之褱褱綏也郭注曰即今之香纓也褱邪交落帶繫於體因名為褱綏繫也詩衛門云豈其食魚必河之魴豈其娶妻

必齊之姜靜女之詩云貽我彤管毛傳曰古者后夫人必有女史彤管之灋既而風霜所及

厲一作灰琯遂侵與善何言至於大漸天和六年四月七

日薨春秋六十有六即以其年十月十日遷葬於咸陽

萬年縣之杜原一作咸陽若安原

山形起伏既符白鶴之祥地

勢風烟乃合青烏之氣

陶侃別傳曰侃丁母憂在墓下忽有二客來弔不哭退羽儀鮮

異知非常人遣隨視之但見雙鶴冲天而去按相冢書有青烏子後漢書王景傳曰冢宅禁忌注云送葬造宅

之法若黃帝青烏之書也銘曰

觀津世族平陵豪姓四侯登仕三君從政

漢書外戚傳曰竇皇后親



蚤卒葬觀津又竇嬰傳曰父世觀津人也地理志觀津屬信都國師古曰觀音工喚反後漢書曰竇融扶風平陵人也四侯謂竇氏之先竇嬰為魏其侯長君子南皮侯少君為章武侯竇融為安豐侯也三君按竇融傳曰竇氏一公兩侯注云一公大司馬也兩侯安豐顯親也疑此三君矣依本序文當稱竇融又按竇氏亦有稱三君者後漢書黨錮傳曰指天下名士為之稱號上曰三君竇武劉淑陳蕃為三君君者一世之所宗也竇武字游平扶風平陵人安豐戴侯融之玄孫也又疑作二君漢書曰竇后兄長君弟廣國字少君崔駰曰竇氏二君以淳淑守道成名

白狼建功丹蛇襲慶漢之廣矣先聞淑令

祖言

父有功魏室復生此今淑之女也漢書地理志古北平郡有白狼縣師古曰有白狼山故以名縣陳留風俗傳曰沛公起兵野丘野野戰喪皇妣於黃鄉天下平乃使使者梓宮招魂幽野有丹蛇在水自洗濯入於梓宮其

浴處仍有遺髮故謚曰昭靈夫人或竇氏亦神元皇后之族耶詩序曰漢廣德廣所及無思犯禮求而不可得也詩云漢之廣矣不可泳思

君子朝端賢才家政簪珥以禮軒車以

命

君子謂侯莫陳君也賢才謂夫人也列女傳曰周宣姜后賢而有德事非禮不言行非禮不動宣王早卧

晏起姜后脫簪珥待罪於永巷王勤於政事早朝宴退服虔曰車有藩曰軒按以命言有命數讓果成

廉推珠止競

孔融家傳曰兄弟七人融第六幼有自然之性年四歲時與諸兄共食梨融輒引小

者大人問其故答曰我小兒法當取小者由是宗族奇之列女傳曰珠崖令卒於官妻送喪漢法內珠入闕者死妻棄其係臂珠前妻子初九歲好而取之置其母鏡奩中母不知也至闕吏搜索得珠劾問誰當坐者初曰我當坐繼母請曰幸無効兒誠不知也妾當坐初又曰夫人哀初之孤欲以活初耳因號泣傍人莫不酸鼻隕

涕關吏執筆不能就一字乃棄珠  
遺之二語謂夫人訓子女成禮也  
百年超忽千金莫

侍室謝賢夫庭辭貴子歸鞍輟露采繁廢祀室委眠蠶衣留

畫雉

畫雉謂翟服也翟雉也又疑為車衣喪大記所謂振容是也釋  
云謂于竹池之內畫搖雉于絞繒之上垂之于下車行振動以

為容儀也

雲垂下澤日掩高春空帷舊館虛幕新封

淮南子曰

八澤之雲是雨九州淮南子曰日至虞淵是謂高春至于連日是為下  
春檀弓曰孔子之衛遇舊館人之喪入而哭之哀使子貢脫駟而賻之

山迴廣柳路沒深松游魂幾變大人何從

周易曰游魂為變漢書張博  
曰王遇大人益解注謂母也

周冠軍公夫人烏石蘭氏墓誌銘

漢書冠軍屬南陽郡魏書官氏

志云塢石蘭氏後改為石氏

夫人諱某樂陵人也晉司徒樂陵公苞後子孫就封因

即家焉

烏石蘭氏其先本姓石氏晉石仲容之後也晉書曰石苞字仲容渤海南皮人也武帝踐阼拜

大司馬進封

扶風舊城猶存鐵市河陽故墅尚餘金谷

樂陵郡公

世語曰初青龍中石苞驚鐵於長安得見司馬宣王宣王知焉後擢為尚書郎歷青州刺史鎮東將軍晉書曰苞有六子少子崇有別館在河陽之金谷一名梓澤送者傾都帳飲於此焉或寓燕郵仍仕

代郡祖行代郡尹父魏司空蘭陵郡公司空佐命魏朝

少傳丞疑周室並為大族俱蒙賜姓秦晉匹也是曰通

家

司空謂穆亮太傅謂予謹魏官氏志太和十九年詔令司空穆亮等詳定北人姓於是升降區別矣周書

孝閔踐阼于謹遷太傅魏恭帝元年謹平江陵以諸將  
功高者為三十六國後次功為九十九姓後言烏石蘭  
兩定大姓歸宇  
文連婚帝族也 夫人年十七歸於宇文氏叔令端莊舍

章貞吉

坤卦  
爻辭

歲盥惟儀閨闈已正某年除金鄉郡君某

年改授冠軍夫人四德小君宜其家室三事內主翻辭

贊務

毛詩傳曰四德婦德婦言婦容婦功也論語曰夫  
人自稱曰寡小君尚書曰三事大夫敬爾有官按

左傳大夫稱主如范宣子撫荀偃曰事吳敢不如事主  
醫和謂趙文子曰主是謂矣如此之類其文多矣列女  
傳曰敬姜方績文伯曰以歎之家而主猶績懼于季孫  
之怨其以歎為不能事主乎是婦人亦稱主大夫之妻  
為內主矣 以保定五年四月邁疾薨時年四十有四即以其

年某月日歸葬於京兆之某原人世風烟山川超忽凌

波疑作陵青麥儻逢貞女之墳隴首白楊或表賢姬之墓

莊子曰青青之麥生陵之陂生不布施死何含珠古詩  
曰驅車上東門遙望北郭墓白楊何蕭蕭松柏夾廣路  
下有陳死人杳杳即長暮潛寐黃泉下千載永不乃為  
寤本草曰白楊北土極多人種墟墓間樹大皮白

銘曰

三星麗天五嶽鎮地禮有其秩人居其位燕趙多奇山

川雄氣

詩曰三星在戶爾雅曰河南華河西嶽河東岱  
河北恒江南衡是也周禮鄭注曰鎮名山安地

德者也又為五嶽言天有三星地有五嶽公侯夫人居  
其秩位也燕趙言其世需燕郵或仕代郡得山川之雄

也代趙地也

挺茲令淑惟此含章玉生庭照蘭開室香邢姨

裴服宋子河魴

言夫人生而令德也周易曰含章可貞晉書曰謝安嘗戒約子姪曰子弟亦何

豫人事而正欲使其佳玄荅曰譬如芝蘭玉樹欲其生於庭堦耳詩碩人云碩人其頤衣錦裴衣又云邢侯之姨毛傳曰夫人德盛而尊嫁則錦衣加裴襜鄭箋曰裴禪也國君夫人翟衣而嫁今衣錦者在塗之所服也尚之以禪衣為其文之大著玉藻云禪為紵釋文裴說文作裴象屬也詩衡門云豈其娶妻必宋之子又云豈其食魚必河之魴鄭箋云宋子姓爾雅曰魴魴郭璞注云江東呼魴魚為魴一名魴陸璣云魴今伊洛濟潁魴魚也廣而薄肥怙而少肉細鱗魚之美者遼東梁水魴特肥而厚尤美于中國魴故其鄉語曰居就糧梁水魴是也魴音房

百兩言歸九儀從聘褕狄七采軒車六命鼎

室辭親槐庭贊政

言夫人嫁于宇文為命婦也毛傳曰諸侯之女嫁於諸侯送御皆百乘百

兩百乘也周禮王后六服有褱衣揄狄闕狄鄭注曰狄當為翟翟雉名又外內命婦之服注云侯伯之夫人揄翟服虔曰車有藩有軒左氏傳曰晉將嫁女於吳齊侯使析歸父媵之以藩載樂盈及其士杜預云藩車之有障蔽者衛風碩人云翟茀以朝毛傳曰夫人以翟羽飾車茀蔽也疏云婦人乘車不露見車之前後設障以自隱蔽謂之茀因以翟羽為之飾此云軒車六命蓋重翟厭翟之類有命數也鼎室辭親謂辭烏石蘭氏槐庭贊政謂贊宇文氏也夫人為蘭陵公女復為冠軍公妻三公調和鼎鼐故云鼎室三槐三公位焉故云槐庭

世

為閔水人成大夢迴帳山門移燈泉洞金棗長含銀蠶

永送

陸機數逝賦曰川閔水以成川莊子曰大覺而後知其大夢也按山門墓門黃圖曰陵冢為山謝莊



武宣貴妃諒曰重局閭兮燈已黯中泉寂兮此夜深抱  
朴子曰吳景帝時成將於廣陵掘諸冢取版以治城發  
一大冢從死人懷中透出墮地兩耳及鼻孔中皆有黃  
金如棗許大此則骸骨有假物而不朽之効也蜀本紀  
曰始皇陵有銀蠶金雀

香填栢柳路閉松城悲鷺獨影雄劍孤鳴

留連趙琴

疑作瑟

悽愴秦笙

左氏傳曰范獻子去魏獻子栢柳松城即夏侯嬰墓銘所

謂佳城鬱鬱是也見西京雜記范泰鷺鳥詩序曰昔蜀  
賓國結置峻邛之山獲一鷺鳥王甚愛之三年不鳴其  
夫人曰嘗聞鳥見其類而後鳴何不懸鏡以映之王從  
其言鷺睹影悲鳴冲霄一奮而絕吳越春秋名劍二枚  
一曰干將二曰莫邪莫邪干將之妻也趙琴疑作趙瑟  
漢書楊惲報孫會宗書曰婦趙女也雅善鼓瑟秦笙即

蕭史吹蕭事  
笙蕭通稱矣

周太傅鄭國公夫人鄭氏墓誌銘

太傅鄭國公夫人達奚武之妻也周明帝武成元年以高陽公達奚武為鄭國公武帝天和三年以太保鄭國公達奚武為太傅

夫人諱某滎陽開封縣遠里人也七子賦詩足光賓客

三卿從政實靜諸侯

序鄭氏之先本鄭國也左傳襄二十七年曰鄭伯享趙孟於垂隴子

展伯有子西子產子太叔二子石從趙孟曰七子從君以寵武也請皆賦以卒君貺武亦以觀七子之志子展賦草蟲伯有賦鵲之賁賁子西賦黍苗之四章子產賦隰桑子太叔賦野有蔓草印段賦蟋蟀公孫段賦桑扈卒享文子告叔向曰伯有將為戮矣其餘皆數世之主也子展其後亡者也在上不忘降印氏其次也樂而不

荒樂以安民不淫以使之後亡不亦可乎又傳七年  
管仲曰鄭有叔詹堵叔師叔三良為政未可間也

駱

乘則晉后停輿來朝則漢君識履華胄蟬聯無虛史籍

晉書曰武帝出祀南郊詔使鄭默駱乘漢書曰鄭崇祖  
為尚書僕射每見曳革履上笑曰我識鄭尚書履聲

那秦州別駕父茂伯撫軍將軍涼州刺史伯陽縣侯夫

人令淑早聞芝蘭獨茂既容既德言告言歸

毛詩曰言告師氏言

告言歸傳曰古者女師教

悌實溫清恭惟歲盥

禮記曰冬溫而

以婦德婦言婦容婦功

夏清內則曰右佩歲太傅弼諧周室股肱攸寄

太傅達

管線續管字或作盥

周書列傳云達奚武字成興代人也少儻好馳馬為

賀拔岳所知及岳為侯莫陳悅所害武收岳屍歸平涼

同胡戴太祖從平悅齊神武與竇泰高教曹三道來侵從太祖擒竇泰斬高教曹進位大將軍平劍北振旅還京師齊將高苟子攻新城武邀擊之悉虜其衆考閑踐昨拜柱國大司寇武成初進封鄭國公天和三年轉太傅

夫人輔佐君子勤勞是司琴瑟既友條枚無伐故得

用之邦國成之孝敬

卷耳詩序云又當輔佐君子求賢審官知臣下之勤勞關雎詩云琴

瑟友之汝墳詩云伐其條枚關雎詩序曰關雎后妃之德也風之始也所以風天下而正夫婦也故用之鄉人

馬用之邦國焉又云先王以是經夫婦成孝敬

某年月日封鄭國夫人

當是武成元年

綸翟既加紘紃是務

周禮鄭注曰翟雉名侯伯之夫人綸翟左氏傳曰衡紘紘紃杜預注

曰紘纓從下而上者紃冠上覆疏云魯語稱公侯夫人織紘紃知紘亦織而為之紃冠上覆者冕以木為幹以

玄布衣其上謂之紵論語尚書皆云麻冕知其當用布也孔安國論語注曰言績麻三十升以為冕即是紵也

夫集有人字今衍有安世之貴躬服浣濯子有文伯之尊無忘

機杼

漢書曰張安世尊為公侯食邑萬戶然身衣弋絺夫人自紡績家僮七百人皆有手技作事內治產

業累績織微是以能殖其貨富於大將軍光詩序云服浣濯之衣列女傳曰魯季敬姜者莒女也號戴己魯大夫公父穆伯之妻文伯之母博達知禮文伯退朝朝敬姜敬姜方績文伯曰以歎之家而主猶績懼于季孫之怒其以歎為不能事主乎敬姜嘆曰魯其亡乎使吾子備官而未之聞耶男女効績否有辟古之制也仲尼曰季氏之婦不淫矣婦人以織紵為事休之非禮也表裏惟安閨闈且正醫門有

疾對藥無徵天和三年三月二十日薨葬於長安之石

安原世子某兄弟並最慈訓咸遵母儀霜露深悲寒泉  
增慟銘曰

居德圃田當官教府置騎賓來開黌學聚

左傳定四年  
祝鮀曰封畝

土略自武父以南及圃田之北竟杜預曰圃田鄭數名  
爾雅釋地十藪鄭有圃田郭璞曰今滎陽中年縣西圃  
田澤是也衛之南竟至此澤畔漢書曰鄭當時為太子  
舍人每五日洗沐常置驛馬長安諸郊請謝賓客夜以  
繼日至明旦常恐不徧開黌學聚  
謂鄭康成通德門也黌學舍也  
福履家室賢才踵武

棠棣之華螽斯之羽

此棠棣之華蓋引召南與小雅常  
棣異鄭箋曰喻王姬顏色之美盛

爾雅釋文舍人曰唐棣一名移郭璞曰今白移也似白  
楊江東呼夫移詩序曰螽斯后妃子孫衆多也言若螽

斯不妒忌則子孫衆多也毛傳曰螽斯蚣蝋也爾雅曰蜚螽蚣蝋郭注云蚣蝋也俗呼為螞蟥人倫七

德風化二南采采芣苢芣苢葛覃

七德注已見然此七德謂婦德有七也二

南謂周南召南也又劉向列女賢明傳曰周南大夫之妻能匡夫貞順傳召南申人之女得婦道之儀以絕無禮之求防淫慾之行焉毛詩傳曰采采非一辭也芣苢馬舄車前也宜懷妊焉采取也覃延也葛所以為絺綌女功之事繁辱節行聲玉副加一作玼蓼柳園秉杼桑者蓼蓼茂盛貌

津浴蠶

詩衛風云佩玉之儺毛傳儺行有節度也鄭風云佩玉瓊琚疏云言其玉聲和諧行步中節也

鄘風云副笄六珈毛傳副者后夫人之首飾編髮為之笄衡笄也珈笄飾之最盛者所以別尊鄭箋珈之言加也副既笄而加飾如今步搖上飾古之制所未聞郡國志河東平陽北屈有采桑津蠶書曰月常大火則浴其

懸  
春秋超忽零落無一作非

時家亡淑女國喪賢姬香墳

永送舞鶴長辭

列仙傳曰鈎弋夫人殯尸不冷而香一月間後昭帝即位更葬之越絕書曰閭

盧子女冢在閭門外道北下方池廣四十八步水深二丈五尺池廣六十步水深丈五寸遂出廟路以南通姑胥門并周六里舞鶴吳市殺生以送死山深月闇風急松悲千年開閉將

驗靈龜

周禮龜人云天龜曰靈屬又云若有祭事則奉龜以往旅亦如之喪亦如之

後魏驃騎將軍荊州刺史賀拔夫人元氏墓誌銘

賀拔夫人疑即賀拔勝之妻也周書傳曰賀拔勝神武尖山人孝武帝時進位驃騎大將軍開府儀同三司荊州刺史按勝以魏大統十年薨猶魏時人故稱後魏



在河之洲聞君子之配德言采其蕨

一作蕨言采蕨

見夫人之

有禮用之風化人倫厚焉

在河之洲君子好逑皆闕首章之辭草蟲之詩云陟彼

南山言采其蕨傳云蕨也箋云言我也我采者在蕨而見采蕨者得其所欲得猶已今之行者欲得禮以自喻也詩序大夫妻能以禮自防也草木疏云周秦曰蕨齊魯曰鼈本又作鰲俗云其初生似鼈脚故名焉闕

雌詩序云上以風化下又云厚人倫美教化移風俗

夫人諱安字大羅河南洛陽

人也祖某京兆康王

元氏後魏宗室本姓拓拔氏居代孝文太和十九年遷洛陽二十年

改為元氏故夫人姓元氏為河南洛陽人也按魏書元昭之祖素謚曰康素子陪斤康王當是夫人曾祖父

昭驃騎大將軍開府儀同三司錄尚書司州牧汝陽郡

王魏書云陪斤子昭入為尚書號征西將軍卒贈尚書左僕射隋志河南郡汝陽後魏置司州跗萼

雄圖階基霸迹

詩小雅棠棣之華鄂不韡韡鄭箋承華者鄂不當作跗跗鄂足也鄂足得華之

光明則韡韡然盛附亦作跗按詩序棠棣燕兄弟今元氏本魏宗室故云公卿之室將相維

家一作維國夫人能修法度無思犯禮恭儉節用憂在進賢

采蘋詩序云采蘋大夫妻能循法度也漢廣詩序云無思犯禮求而不可得也葛覃詩序云恭儉節用服浣濯之衣關雎詩序云關雎樂得淑女以配君子憂進賢不淫其色哀窈窕而無傷善之心焉大統五年

封樂安公主

隋志北海郡博昌縣舊曰樂安

歸於賀拔氏時年十三思

事憂勤化成婦德彤管載暉棠棣早茂

靜女詩箋云彤管赤筆管也棠

棟注見  
前篇

及乎謳歌有歸禴翟降等輔佐君子猶安其室

謂周受魏禪時也按周禮王后六服禕衣為上禴翟次之言夫人本故魏公主受禪之後為降等也孝閔踐阼

子仲華襲爵瑯琊

公是猶安其室也周天和元年乃封章武郡君

章武本漢竇廣

國所封郡國志屬渤海郡章懷太子注云在滄州魯縣

霜露不居風煙飄忽遘疾

累旬奄捐館舍以周天和四年二月二十六日薨於長

安萬年里春秋五十有二詔贈頓正

疑作丘

國夫人禮也

地理志頓丘屬東郡

即以其年三月二十日歸葬於咸陽之石安

原既異乘鸞翻然永去雖非舞鶴即掩泉門

列仙傳曰蕭史弄玉

一旦乘鳳凰飛去鸞鳳通稱故云乘鸞吳越春秋曰吳王有女滕玉因謀伐楚與夫人及女會蒸魚王前嘗半而與女女怒曰王食魚辱我不忘久生乃自殺閭閻痛之葬於國西閭門外鑿池積土文石為椁題湊為中金鼎玉杯銀罇珠襦之寶皆以送女乃舞白鶴于吳市中令萬民隨而觀之還使男女與鶴俱入羨門因發機以掩之殺生以送死國人非之湛盧之劍惡其無道而如楚矣泉門墓門即所謂羨門也 欲誌佳城佳城鬱鬱勝成公墓石 乃為銘曰 函之詞也注見前篇

逝矣雄謀悠哉霸轍九服潛運三川中竭卿相連鑣賢

才舞

疑作無

絕

言元氏起家荒服後魏之興世為卿相也 逝矣悠哉言其遠也周禮九服一侯服二

甸服三男服四采服五衛服六蠻服七夷服八鎮服九藩服國語曰幽王三年西周三川皆震伯陽父曰夫國

必依山川山崩川竭亡之徵也  
琬琰令淑施衿結褵方之棠棣譬以螽

斯既全婦德還稱母儀

楚辭曰懷琬琰以為心說文曰衿交衽也詩云親結其褵毛萇

曰褵婦人之幃也女施衿結褵爾雅曰褵緜也郭璞曰即今之香纓也召南曰唐棣之華陸璣曰粵李也一名雀梅一名車下李所在山皆有其華或白或赤六月中熟大如李子可食爾雅疏曰蟊螽周南作螽斯七月作斯螽一名蚺蜢一名蟠螽陸璣云幽州人謂之蟠螽類也長而青長角長股股鳴者也或謂似蝗而小班黑其股似瑇瑁又五月中以兩股相切作聲聞數十步者是也婦德四德之首也劉向列女傳首篇有母儀傳

逝一作遊

水滔滔危途冉冉問藥無對蒸丹不驗狄服空

陳絃機虛掩

言夫人以疾卒也楚辭曰波滔滔兮來迎又曰老冉冉兮既極狄服周禮褵狄闕狄

之類鄭注

郭門路轉哀挽途窮隴深結霧松高聚風春

蘭秋菊惟始惟終

周大都督陽林伯長孫瑕夫人羅氏墓誌銘

按夫人本姓叱羅氏叱羅協之女也周書魏恭  
帝三年太祖徵協入朝論蜀中事乃賜姓宇文  
氏協既受晉公護重委冀得婚連帝室乃求  
復舊姓叱羅氏高祖許之此云羅氏省文也

夫人諱某恒州代郡大平縣人祖某父協周大將軍南

陽郡公

周書叱羅協傳云建德三年高祖以  
協宿舊授儀同三司賜爵南陽郡公

夫人資於

事親躬奉訓誡教於宗室足聞詩禮及乎言歸肅恭如

事蘋藻維敬紘紼是勤內位克諧中閨以睦年齡不競

霜露先侵更無延壽之杯遂闕長生之枕

漢書曰新垣平使人獻玉

杯刻曰主人延壽神仙傳曰漢光武東巡見太山老父鋤于道頭上白光高數尺呼問之對曰昨有一道士教臣作神枕枕有三十二竅二十四以應二十四氣八竅應八風臣用之轉少齒生以周天和四

年二月八日薨於長安之洪固鄉時年二十有三其年

某月日葬於萬年縣之壽里山非宋國翻為節女之陵

地異荆臺遂有賢妃之墓

劉向列女傳曰伯姬者魯宣公之女成公之妹也伯姬嫁

於宋恭公十年恭公卒伯姬寡至景公時伯姬常過夜失火左右曰夫人少避火伯姬曰婦人之義保傅不俱

夜不下堂待保傅來也越義而生不如守義而死遂逮於火而死春秋詳錄其事為賢伯姬諸侯聞之莫不悼痛以為死者不可復生財物猶可復故相與會於澶淵償宋之所喪春秋善之又曰楚昭越姬者越王鈞踐之女楚昭王之姬也昭王燕遊蔡姬在左越姬在右王親乘駟以逐遂登附社之臺以望雲夢之囿顧謂二姬曰吾願與子生若此死薨若此蔡姬曰願生俱樂死同時王顧謂史書之復謂越姬越姬對曰昔者吾先君莊王淫樂三年不聽政事終而能改卒霸天下妾以君王為能法吾先君將改斯樂而勤於政也今則不然而要婢子以死其可得乎妾聞之諸姑婦人以死彰君之義並君之寵不聞其苟以閹死為榮妾不敢聞命於是王寤敬越姬之言而猶親嬖蔡姬也居二十五年王救陳越姬從王病在軍中有赤雲夾日如飛鳥王問周史史曰是害王身然可移於將相將相聞之將請以身禱於神王曰將相之於孤猶股肱也今移禍焉庸為去是身乎



越姬曰大哉君王之德以是妾願從王矣昔日之遊燕樂也是以不敢許及君王復於禮國人皆將為君王死而況於妾乎請願先驅狐狸于地下王曰昔之遊樂吾戲耳若將必死是彰孤之不德也越姬曰昔者妾雖口不言心既許之矣妾死王之義不死王之好也遂自殺王薨於軍中蔡姬竟不能死惠王立然後罷兵歸葬昭王君子謂越姬信能死義銘曰

畢狼建國靈武開都地接天柱山臨寶符人資義烈世

襲雄圖

史記天官書曰畢昴間為天街其陰陰國其東有大星曰狼漢書地理志曰趙地昴畢之分野

北地郡有靈武縣言北魏之先開基於此也云地接天柱者按天柱有二其一是崑崙山名神異經曰崑崙之山有銅柱焉其高入天所謂天柱也圍三千里周圍如削其一是漢武帝以後南嶽霍山之名爾雅曰霍山為

南嶽郭注云即天柱山潛水所出也疏云上云江南衡地理志云衡山在長沙湘南縣南張揖廣雅云天柱謂之霍山地理志云天柱在廬江潛縣則在江北矣本衡山一名霍山漢武帝以衡山遼曠移嶽神於天柱又名天柱亦為霍故漢以來衡霍別矣按此趙地亦有霍山無天柱之名與彼為異周禮冀州其山鎮曰霍山史記曰霍太山陽侯天吏地理志云河東郡彘縣霍太山在東不得以趙地之霍山引廬江之天柱疑云西接崑崙為崑崙之天柱矣山臨寶符者謂恒山也史記趙簡子為諸子曰吾藏寶符于恒山中往得者立為後諸子皆競往無所得無恤曰恒山臨代代可取也簡子曰葛覃是知符矣遂立之言恒州代郡之地世有雄才也

維萋棠棣早盛

見已

既安淑德爰從配命四教弘宣三星

克正

注已見

霜凋桂苑風落芝田三從闕性五福傷年

謝莊

月賦曰清蘭路肅桂苑王子年拾遺記曰崑崙第九層山形漸小狹下有芝田蕙圃皆數百頃羣仙種耨焉列女傳母師曰婦人有三從之義而無專制之行少繫父母長繫于夫老繫于子歸安永絕言告

長捐悽切郊野紆迴隰原

歸安歸寧也詩歸寧父母又曰言告言歸爾雅曰邑外謂

之郊郊外謂之牧牧外謂之野下濕曰隰廣平曰原公羊傳云下平曰隰

風慘雲愁松悲露

泣朗月空嗟傷神何及

世說曰荀奉倩與婦至篤婦亡奉倩後少時亦卒劉孝標注云

蔡別傳曰蔡常以婦人才智不足論自宜以色為主驃騎將軍曹洪女有色蔡於是聘焉容服帷帳甚麗專房燕婉後婦病亡未殯傳設往嘯蔡蔡不哭而神傷數問曰婦人才色並茂為難子遺才存色非難遇也何哀之甚蔡曰佳人難再得顧逝者不能有傾城之異然未可易遇也悲悼不能已已歲餘亦亡亡年二十九

# 周儀同松滋公拓跋競夫人尉遲氏墓誌銘

魏書宗室傳曰高涼王孤平文皇帝之第四子也孤孫度道武初賜爵松滋侯仍得世襲競或其後也隋書地理志云南郡松滋縣江左舊置河東郡

夫人諱某河南洛陽人也

本代人其先魏之別種號尉遲部因而姓焉從魏入洛為

洛陽人

祖某父大師柱國公

夫人疑即尉遲迴女也祖侯夔父迴周本紀云武帝建德

元年以太傅蜀國公尉遲迴為太師魏室喪亂經綸夷阻周朝建國匡翊

揖讓

按周書迴從太祖復弘農戰沙苑皆有功孝閔踐阼進位柱國大將軍封寧蜀公魏室喪亂謂高歡

入洛孝武西遷也周祖周太祖也揖讓周受魏禪也圖牒帝系即有內外之親分

裂山河仍為舅甥之國

迴傳云父侯獲尚大祖姪昌樂大公主生迴迴尚魏文帝女金

明公主拜駙馬都尉以平蜀功封一子為公自劍閣夫以南得承制封拜及黜陟又迴曰吾居將相與國舅甥

人容範端莊儀型淑令六義觀德南風有夫人之詩八

卦成形東方有少女之位

詩序曰詩有六義一曰風二曰賦三曰比四曰興五曰雅

六曰頌國風召南鵲巢以下皆言夫人是南風夫人之詩也易卦傳曰兌三索而得女故謂少女巽為長女居東南兌為少女居正秋在西方矣 姆母習言公宮教業歲盥線續佩帨

荏蘭

內則曰婦事舅姑左佩紛帨刀礪小觴金燧右佩歲管線續施繁褰大觴木燧鄭注云繫小囊也言

施明為歲管線續有之按管與盥同 年十有二出適儀同拓跋競衣其翟

服既得宗婦之儀乘其魚軒還從列國之禮

拓跋氏鮮卑索頭部

稱代改為魏至孝文改元氏拓跋競魏之支屬也毛詩傳曰車乘厭翟服則禴翟翟雉也宗婦同宗之婦也拓跋競為魏宗室故夫人為宗婦矣左傳閔二年曰歸夫人魚軒正義曰陸璣義疏曰魚獸似猪東海有之其皮背上有斑文腹下有純青今人以為弓鞬步叉者也其矢雖乾燥為弓鞬矢服經年海水將潮及天陰毛皆起水潮還及晴則毛復如故雖在數千里外可以知海水之潮自相感也

標梅三實無闕其

時夭桃九華能修其政

詩序曰標有梅男女及時也詩云標有梅其實三兮求我庶士

迨其今兮箋云此夏鄉晚梅之墮落差多在者餘三耳詩序桃夭后妃之所致也不如忌則男女以正婚姻以時國無鰥民也詩云桃之夭夭毛傳曰夭夭其少壯也

某年某月冊拜迴洛縣君

迴落疑卽萬俟洛營齊神武以其地名回洛城矣

母金明公主魏文帝長女春

則帝女採桑秋則王姬築館

山海經曰宣水淪水出焉其上有桑大五十尺其枝

四衢其葉大尺餘赤理黃華青樹名曰帝女之桑郭璞注曰婦以主蠶故以名桑左傳莊元年曰秋築王姬之

館於外爲外禮也

夫人出入主家遨遊戚里濯龍園苑長門宮

殿

主家公主家也漢書東方朔傳曰董偃隨母出入主家詩曰以遨以遊漢書石奮傳顏師古注曰於上有

姻戚者則皆名之故名其里爲戚里後漢書明德馬后曰前過濯龍上見外家問起居者車如流水馬如龍史記封禪書長安門注稱括地志云長安門故亭在雍州萬年縣東北苑中後館陶公主長門國武帝以爲長門

宮卽此

既而膏腴美疾

一作疾

華茂傷年沈痼床帳蒸離寒

暑

左傳臧孫曰美疾不如惡石劉公幹贈五官中郎將詩曰余癰沈痼疾李善注云禮記曰身有病疾說文

日痼久也詩云載離寒暑

三世之術無迨

一作

於醫門百草之本途

疑作徒

窮於藥性

禮記曰醫不三世不服其藥正義曰擇其父子相承至三世也又說云三世者

一曰黃帝針灸二曰神農本草三曰素女脈訣又云夫子脈訣若不習此三世之書不得服食其藥三皇本紀神農氏作蜡祭以楮鞭鞭草木始嘗百草始有醫藥途窮疑作徒窮

建德三年五月七日

亡春秋三十昔西河女子值九節之菖蒲東海婦人得

三山之芝草

西河女子西王母也抱朴子曰菖蒲須石上一寸九節紫花者尤善神仙傳曰漢武

帝登嵩山登大愚室石起道宮使董仲舒東方朔等齋潔思神至夜忽有仙人曰吾九疑之神也間中岳石上



菖蒲一寸九節可以服之長生故來採耳王興聞之乃採服之不息遂得長生又神仙傳麻姑謂王方平曰接待以來已見東海三為桑田向到蓬萊水淺淺於往日會時畧半也史記封禪書曰海中三神山曰蓬萊方丈瀛洲東海婦人謂麻姑也無由再遇悲矣如何即以其年十一月十

五日葬於京兆之北陵原龜筮告辰丘陵啓奠

禮記曰龜為卜

筮為筮廣雅云小陵曰丘爾雅曰大阜曰陵

西臨織

疑作玉

女之廟南望湘妃

之墳

星經曰織女三星史記天官書云是天帝外孫戴德夏小正云七月織女西臨織女之廟未詳墳在

京兆近華山疑作玉女詩含神霧云華山有明星玉女持玉漿得上服之即成仙道險僻不通郭璞譜曰華岳靈峻削成四方爰有神女玉漿是挹山海經曰洞庭之山帝之二女居之是常遊于江淵澧沅之風交滿湘之

淵郭注天帝之二女而處江為神即列仙傳江妃二女  
離騷九歌所謂湘夫人稱帝子者是也河圖玉版曰湘  
夫人帝堯女也秦始皇浮江至湘山逢大風而問博士  
湘君何神博士曰間之堯二女舜妃也死而葬此列女  
傳曰二女死于江湘之間俗謂為湘君鄭司農亦以舜  
妃為湘君說者皆以舜陟方而死二妃從之俱溺死於  
湘江遂號為湘夫人嗚呼哀哉乃為銘曰

父曰帝師母曰王姬車服不繫江漢無思

言父迴為太師母為魏金

明公主也詩序曰王姬下嫁於諸侯車服不繫其夫又  
曰漢廣德所及也文王之道被於南國美化行于江漢  
之域無思祀禮是生令淑觀禮敦詩聲超宋子德茂邢  
求而不可得也

媛謂夫人之賢德也左氏傳曰說禮樂而敦詩繼世盛  
書詩曰宜其娶妻必宋之子又曰邢侯之媛繼世盛

德思賢克舉奠雁迎門濡

一作濡見文苑英華

蘋實俎

詩云蘋蘩鳴旭日

始旦鄭箋云雁者隨陽而處似婦人從夫故昏禮用焉自納采至請期用昕親迎用昏毛萇采蘋傳蘋大萍也鄭箋曰蘋之言賓也釋草云萍萍其大者蘋舍人曰萍一名萍今水上浮萍也江東謂之漂音瓢左傳蘋蘩蕰

藻之菜

奉盥如事移茵即序春冰浴蠶秋機秉杼

王子年拾遺記

曰東海員嶠山有冰蠶長七寸有鱗角以霜雪覆之始為繭其色五綵織為文錦入冰不濡投火不燎浴蠶注見前篇月令曰促織鳴螀婦驚故云秋機帝鄉近親帝城近臣濯龍親戚平

陽主人

後漢書東海公陽對曰河南帝城多近臣南陽帝鄉多近親濯龍注見本序漢書曰王太后長

女號曰平陽公主後漢書曰明帝女迎封平陽公主適大鴻臚馮順注平陽縣屬河東

金波迴月

玉樹臨春

漢書曰月穆穆以金波揚雄甘泉賦曰翠玉樹之青蔥

弄玉鳳凰昌容

紫草自此千年無人得道舜華榮曜飄零何早

列仙傳曰秦穆

公有女字弄玉與蕭史皆隨鳳凰飛去又曰昌容常山道人也自稱殷王子能致紫草女仙傳曰昌容者商王女也修道于常山食蓬萊根二百餘年顏如二十許能致紫草驚與染工得錢以為貧病者往來城市世世見之常行日中不見其形或云昌容能練形者也忽冲天而去神仙傳彭祖曰得道者耳非仙人也詩顏如舜華毛萇曰舜木槿也

渭水北原平陵故園繞通谷口即望寒門

謂莽

於京兆之北陵原也漢書地理志曰扶風渭城故咸陽又平陵縣昭帝置三輔黃圖曰秦始皇都咸陽渭水貫都象天漢地理志曰谷口屬左馮翊史記漢武紀曰所謂寒門者谷口也索隱曰服虔云寒門黃帝所仙之

處小顏曰谷口山之谷口漢時為縣今呼為  
冶谷去甘泉八十里盛夏凜然故曰寒門  
吁嗟此地

去矣歸魂孟冬十月長松九年親賓掩淚悽愴何言

江淹

別賦曰親  
賓兮淚滋

周驃騎大將軍開府儀同三司冠軍伯柴烈李夫

### 人墓誌銘

夫人諱某隴西狄道人也周有柱史夫子以之猶

一作見

龍

史記曰老子者楚苦縣厲鄉曲仁里人也姓李氏名耳字伯陽謚曰聃周守藏室之史也孔子適周問禮

於老子去謂弟子曰老子其猶龍耶又張湯傳曰老子為柱下史即藏史之柱下因以為官名

漢有將

軍宛城以之輸馬

漢書曰太初元年以李廣利為貳師將軍至貳師取善馬又大宛傳張騫

曰大宛在匈奴西南漢正西去漢可萬里其俗多善馬馬汗血其先天馬子也

復有西入上書

仍為秦王之相

史記曰李斯者楚上蔡人也西說秦王秦王拜斯為客卿會議逐客斯亦在逐

中乃上書秦王除逐客之令復李斯官卒用其計謀官至廷尉二十餘年竟并天下尊主為皇帝以斯為丞相

東向問計即是韓王之師

史記韓信傳曰信與張耳以兵數萬欲東下井陘擊趙趙

王成安君陳餘聚井陘口號稱二十萬廣武君李佐車說成安君曰聞漢將韓信涉西河虜魏王禽夏說新喋血關與今乃輔張耳議欲下趙此乘勝而去國遠關其鋒不可當願足下假臣奇兵三萬人從間路絕其輜重足下深溝高壘堅營勿與戰彼前不得關退不得還吾奇兵絕其後使野無所掠不至十日而兩將之頭可致

於戲下石必為二子所擒矣成安君不聽韓信使人間視知不用還報則大喜及破趙軍斬成安君禽趙王歇乃令軍中毋殺廣武君有能生得者購千金於是縛廣武君而致戲下者信乃解其縛東向坐西向對師事之復從父宜使持節大將軍南北二華州刺史順陽郡其策

公魏武皇帝之長舅也

隋書地志曰馮翊郡後魏置華州上郡後魏置東秦州後改為

北華州荊州荊陵郡湖陽縣後魏置順陽郡北史魏孝武帝紀曰帝諱脩字孝則廣平文穆王懷之第三子也母曰穰侯魏冉居咸陽之宮曲陽王根借明光之殿語李氏

其貴戚差足擬倫論其揖讓彼多慚德

史記曰穰侯魏冉者秦昭王母

宣太后弟也宣太后二弟其異父長弟曰穰侯姓魏氏名冉自惠王武王時任職用事武王卒諸弟爭立唯魏

冉能立昭王昭王即位以冉為將軍衛咸陽誅季君之  
亂封於穰號曰穰侯漢書曰成都侯王商嘗病欲避暑  
從上借明光宮後又穿長安城引內澧水注第中大陂  
以行船五羽蓋張周帷楫濯歌上幸商第見穿城引水  
意恨內銜之未言後微行出過曲陽侯第又見園中土  
山漸臺似類白虎殿於是上怒以讓車騎將軍音商根  
兄弟欲自黜劾謝太后上聞之大怒音籍藁請罪商等  
皆負斧質謝罪上不忍誅然後得已久之平借明光宮  
本王商事此云王根按本文論外戚之奢漢書根商連  
文故通用之言比之古人魏冉王根俱為貴戚而李宜  
有揖讓之德也

夫人幼而聰敏早聞令淑彤

一作歲

管有美賢才

見稱

左氏傳曰靜女之三章取彤管焉杜預曰彤管赤筆管也

弄其紙筆懼失諸兄

之意剪其鬢齡畏傷王母之心

魏志曰甄后少喜書常用諸兄筆硯衣宏後漢



紀曰和熹皇后鄧訓女也后年五歲祖母為剪髮老人目瞑并中后額忍痛不言一額盡傷左右怪而問之后曰太夫人慈恩為斷髮難傷老人意故忍之耳年十有一出適驃騎大將軍開

府儀同柴烈烈以上將頒朔

一作領育

中台受任軍國忠勤

規模繁總

漢書天文志曰斗魁戴匡六星曰文昌宮夫一曰上將魁下六星兩兩而比名曰三台

人輔佐君子言容匡贊增耀三星欽明四德授中沃盥

有謹於事姑斷織停機無忘於訓子保定二年冊授大

夏縣君既以夫尊又云子貴乃遷順陽改郡君夫人之

邑或用鄉名小君之號多從夫秩典冊光臨足稱榮寵

漢書外戚傳曰武帝即位封皇太后母臧兒為平原君  
武帝封王太后在民間時所生女金氏為脩成君宣帝  
制詔御史賜外祖母號為博平君東觀漢記曰鄧皇后  
太夫人為新野君王隱晉書曰武帝封羊祜妻夏侯氏  
為萬歲鄉君按柴烈李夫人封大夏縣君鄉  
名如此類也禮記曰婦人無爵從夫之爵 本有風氣

之疾頻年增動畧多枕卧飛龜之散遣疾無徵畫龍之

符流年不驗

抱朴子曰靈寶經有正機平衡飛龜授秩  
凡三篇皆仙術也又曰或丙午日日中時

作燕君龍虎符歲  
符歲易之是也

以今建德四年三月日薨於館舍春

秋四十九即以其年八月日葬於長安之洪瀆原神光

離合尚在河湄雲氣徘徊猶歸樓下

洛神賦曰神光離  
合乍陰乍陽小雅

巧言云居河之涓爾雅云水草交曰涓高唐賦  
王問玉曰此何氣也玉對曰所謂朝雲者也

嗚呼哀

哉乃為銘曰

上書秦相立功漢將隴水分流秦川遙望

秦相李斯漢將李廣利也

隴水秦川言夫人為隴西人也漢書地理志曰隴西郡  
秦置應劭曰有隴坻在其西也三秦記隴水歌有遙望  
秦川秋陸俗勇金行地壯廣武軍中安平河上

言李氏世居隴

西西方金行之氣代有名將也續漢書曰日行西陸謂  
之秋後漢書西羌論序曰性堅剛勇猛得西方金行之  
氣焉西征記曰三皇山或謂三室山山上有二城東者  
曰東廣武西者曰西廣武各在山一頭相去二百餘步  
其間隔深澗漢祖與項籍語處後漢郡國志曰安平國  
故信都信都有絳水滹沱河又王霸傳曰光武至下曲

陽間王郎兵在後從者皆恐及至浮沱河光武令霸往視之說曰冰堅可渡官屬皆喜遂前北至河河冰亦合乃令霸護度未畢數騎而冰解光武謂霸安吾衆得濟免者卿之力也妻者齊也謂嫁曰

歸三星夜照百兩朝飛

白虎通曰妻者齊也與夫齊體自天子下至庶人其義一也毛

詩傳曰婦人謂嫁曰禴翟有典容禮無違台庭等秩

一作

列

侯一作秩

服同衣

周禮內司服有禴狄鄭注云狄當為翟翟雉名禴翟畫搖者昏禮注云婦

容婉婉台庭等秩侯服同衣者謂從夫秩也天官書曰魁下六星名三台周禮九服一侯服柴烈為開府儀同冠軍伯是上應台階職居侯服矣子奉母儀夫聞家政七族承和九閨

連慶

漢書鄒陽曰荆軻湛七族張晏曰七族上至曾祖下至曾孫

紛悅恭肅溫清孝

敬杼秉秋成蠶隨春令

內則曰婦事舅姑左佩紛帨曲禮曰凡為人子之禮冬溫而夏

清家均曰促織立秋女功急故趣之周禮鄭注曰蠶為龍精月值大火則浴其種月令曰季春之月蠶事既登

年華未落電影先過徒餐日氣空飲天河

楚辭曰餐六氣而飲沆瀣

今漱正陽而含朝霞保神明之清澄今精氣入而麤穢除王逸曰餐吞日精食元符也陵陽子明經曰春食朝

霞者日始出赤氣也秋食淪漢者日沒後赤黃氣也冬食沆瀣者北方夜半氣也夏食三陽者南方日中氣也

荆楚歲時記曰漢武帝令張騫使大夏尋河源乘槎經月而至一處見一女織一丈夫牽牛飲河渚織女取支

機石與騫而還後為東方朔所識

星凋玉井月捐金波虞淵浴日璿露

哀歌

後漢書郎顗傳曰夜有白氣從西方天苑趨左足入玉井注云天官書參星下四小星為玉井漢書

曰月穆穆以金波淮南子曰日出湯谷入於虞淵在豹  
古今注曰薤露蒿里送哀歌也出自田橫門人橫自殺  
門人傷之而作悲歌言人命如薤上露易稀滅至李延  
年乃分為二曲薤露送王公貴人蒿里送士大夫庶人  
使挽逝者歌之  
俗呼為挽歌  
寂寞虛莫荒涼象設幽隴窀穸封重泉蟻

結西陽雜俎曰臨邑縣北有華公墓碑窀穸尋失惟趺窀  
存焉石趙世北窀穸常負碑入水有伺之者因叫呼窀  
走墜折碑焉檀弓曰蟻結于四隅殷士也鄭注曰畫褚  
于四角其文如蟻之行往來相交錯蟻蚍蜉也殷之蟻  
結如畫  
文蛇  
秋色悽愴松聲斷絕百年何幾歸於此別

彭城公夫人爾朱氏墓誌銘

後漢郡國志徐州彭城國高祖置古大彭邑也  
彭城公姓氏未詳此篇及下東平李夫人誌皆

非子山之作按滕王序開府文集二十卷及隋  
經籍志稱二十一卷今並不傳近本皆出文苑  
英華列此二篇於子山諸誌之後此篇失名次  
篇稱前人後人采英華成集誤為庾作又篇內  
上元元年及下篇永淳二年皆唐高宗年號下  
篇炯亦為詹事司直明是楊炯之作也初唐四  
傑去庾最近余喜其文似開府遂不忍去因附  
注釋且證其集非周隋舊本昔中郎虎賁貌似  
者猶或愛之矧盈川之文  
江河萬古在所不廢者也

夫人爾朱氏河南洛陽人也

北史爾朱榮傳曰世為部  
落酋帥其先居爾朱川因

為氏焉爾  
字或作公

若夫陰山表裏衝北斗之璣衡瀚海彌綸直

西街之畢昴

史記曰趙武靈王北破林胡築長城自代  
並陰山索隱曰徐廣云西安縣縣北有陰

山在河南陽山北也正義曰括地志云陰山在朔州北塞外突厥界左氏傳曰表裏山河天官書曰北斗七星所謂璇璣玉衡以齊七政索隱曰春秋運斗樞云斗第一天樞第二璇第三璣第四權第五衡第六開陽第七搖光第一至第四為魁第五至第七為杓合而為斗馬融云璣渾天儀可轉旋故曰璣衡其中橫筭以璇為璣以玉為衡蓋貴天象也鄭注大傳言渾儀其中筭為璇璣外為玉衡者是也漢書霍去病傳曰登臨瀚海如淳曰瀚海北海名也周易曰故能彌綸天地之道史記天官書曰西宮昂畢間為天街其陰陰國其陽陽國正義曰天街三星在畢昂間主國界街南為華夏之國街北為氐翟之國土金守育兵入也按漢國界在趙代之間陰山瀚海皆匈奴地也北魏是其子孫後建都洛陽撫有中夏是西街畢昂衡于北斗璣衡矣爾朱氏世為部落酋帥故稱之也

四時銜火燭龍開照地之光六月搏風大鵬



運垂天之翼

山海經曰西北海之外有神人面蛇身而赤其眼及晦視乃明不食不寢是燭九陰

是謂燭龍炬可以照明莊子曰鵬之背不知其幾千里也怒而飛其翼若垂天之雲又云鵬之徙於南冥也水擊三千里搏扶搖而上者九萬里以六月息者也

由是奄有京縣遂荒中土車

書禮樂三王之損益可知將相公侯百代之山河不殞

言爾朱氏從魏入洛帝業既成遂世為卿相也北史云爾朱羽健魏登國初為領人酋長率契苾育武士從平晉陽定中山拜散騎常侍以居秀容川割方三百里封之長為世業健羽子鬱德鬱德子代勤繼為酋長代勤太武敬哀皇后舅也以外親兼征

祖敞

隋書列傳曰爾朱敞字乾羅秀容契

育人爾朱榮之族子也父

隋儀同三司金紫光祿大夫

岐同金申信臨徐七州總管兵

一作藩

部尚書金

一作邊

城

郡開國公天列尚書之星地標光祿之塞

隋書本傳高祖受禪改封

邊城郡公黠安蠻叛命敵討平之師旋拜金州總管政  
號明肅吏民懼之後以年老乞骸骨賜二馬輅車歸河  
內卒于家時年七十二天文志曰門內東南維五星曰  
尚書主納言夙夜咨謀龍作納言此之象也漢書曰單  
于自請願留居光祿塞下應劭曰光祿  
勲徐自為所築也故為金城郡公故云

出身萬里知呂

岱之元勲專命一方識劉弘之重寄

吳志曰呂岱字定公廣陵海陵人也

清身奉公所在可述初在交州歷年不餉妻子飢之權  
聞之嘆息以讓羣臣曰呂岱出身萬里為國勤事家門  
為困而孤不早知股肱耳目其責安在於是賜錢米布  
絹歲有常限晉書曰劉弘字和季沛國人也為鎮南將

軍都督荊州諸軍事張昌作亂弘遣軍討斬之悉降其  
衆時荊州守宰多闕弘請補選帝從之弘乃叙功銓德  
隨才補授甚為論者所稱弘每有興廢手書守相丁寧  
款密所以人皆感悅爭赴之咸曰得劉公一紙書賢於  
十部從事父休最

北史隋書作最

隋左千牛備身朝散大夫齊王府

司馬襲封爵金

一作邊

城公大夫稱伐諸侯胙土

左傳臧武仲曰

大夫稱伐又衆仲曰胙之土而命之氏

淮仙致雨仍攀桂樹之山楚客臨

風更入芙蓉之水

淮仙淮南王劉安也安封于淮南學神仙之術故稱淮仙楚客屈原宋玉

也屈宋楚人故云楚客淮南王安招隱士曰桂樹叢生  
兮山之幽又云攀援桂樹兮聊淹留離騷曰集芙蓉以  
為衣又云采薜荔兮水中零芙蓉兮木末又云因芙蓉  
而為媒兮憚蹇裳而濡足王逸曰芙蓉蓮華也言最為

齊王府司馬猶八公之在淮南屈宋之事楚王也

夫人玉臺貞氣金河仙

靈一作

液

漢書天馬歌曰游閭闔觀玉臺應劭曰玉臺上帝之所居金河仙液比西王母也西王母亦稱金母居崑

崙山崑崙為河水之源故云金河矣

蔡中郎之女子早聽色絲謝太傅之

閨門先揚麗則

世說曰魏武嘗過曹娥碑下楊脩從碑背上見題作黃絹幼婦外孫壘曰八字

魏武謂脩曰解不答曰解魏武曰卿未可言待我思之行三十里魏武乃曰吾已得令脩別記所知脩曰黃絹色絲也於字為絕幼婦少女也於字為妙外孫女子也於字為好壘白受辛也於字為解所謂絕妙好辭也魏武記之與脩同乃嘆曰我才不及卿乃覺三十里異苑曰陳留蔡邕避難過吳讀曹娥碑文因刻石旁作八字曰色絲幼婦外孫壘白後漢書陳留董祀妻者同郡蔡邕之女也名琰字文姬博學有才辯又妙於音律晉書

曰謝安幼有公輔之望處家常以儀範訓子弟及薨贈太傅彭城公發源殷伯承家

漢相

言彭城公先世在殷為侯伯在漢為丞相也

山川氣候彰白武於皐繇

象緯休徵下蒼龍於曼倩

白武白虎也史記曰西方七星白虎宿也淮南子曰西方

金也其神為太白其獸白虎尚書臯陶作士按此知彭城公為刑官也淮南子曰東方木也其神為歲星其獸蒼龍高誘曰水色蒼蒼龍順其色也東方朔別傳曰東方朔小名曼倩未死時謂同舍郎曰天下人無能知朔知朔者惟太王公耳朔卒後武帝得此語即召太王公問之曰爾知東方朔乎公對曰不知公何所能曰頗善星厯帝問諸星皆具在否曰諸星具獨不見歲星十八年今復見耳帝仰天歎曰東方朔生在朕旁十八年而不知是歲星哉按象緯休徵下蒼龍于曼倩者蒼龍歲星曼倩方朔小字明是東方朔為歲星事漢書云東方

朔字曼倩平原厭次人自公孫弘以下或至公卿朔常為郎與枚臯郭舍人俱在左右詆調而已終不見用上云白武臯陶是彭城公已為刑官此引曼倩非謂職官明矣疑謂方朔有割肉細君之事為下文鳴雁飛皇夫婦張本矣

三星照夜佇稽鳴雁之期七日秉秋坐鷹飛皇之

兆詩曰綢繆束薪三星在天毛傳三星參也鄭箋曰三星心星也心有尊卑夫婦父子之象又為二月之合宿故嫁娶者以為候焉按婚姻六禮皆用雁故云鳴雁之期左傳懿氏卜妻敬仲詩云鳳凰于飛故云飛皇之

兆夫人年甫十八遂歸於我巫山南眺逢暮雨於瑤姬

華嶽西臨降明星於玉女

水經注曰郭景純云丹山西即巫山帝女居焉宋玉所謂

天帝之季女名曰瑤姬未行而亡封於巫山之臺精魂為草實為靈芝所謂巫山之女高唐之姬旦為行雲暮

為行雨朝朝暮陽臺之下旦早視之果如其言故為  
立廟號朝雲焉詩含神霧曰華陰山上有明星玉女持  
玉漿得上服之即成仙道險僻不通郭璞譜曰華嶽靈  
峻削成四方爰有神女玉漿是浥又按集仙錄明星玉  
女者居華山服玉漿白日昇天玉女  
祠前有五石臼號曰玉女洗頭盆 動合詩禮言成軌

則晨昏展敬事極於移天蘋藻潔誠義申於中饋

儀禮曰夫

者天也杜預曰婦人在室則天父出則天夫詩曰於以  
采蘋於以采藻毛傳曰蘋大萍也藻聚藻也鄭箋曰蘋  
之言賓也藻之言潔也婦人之行在柔順而  
潔清故取名以為戒周易曰無攸遂在中饋 女郎砧石

響明月而思秋風織婦

一作女

機床聽寒蛩而催絡緯

水經

注曰漢水南有女郎山山上有女郎冢遠望山墳寬  
狀高及即其所裁有墳形山上直路下出不生草木世

人謂之女郎道下有女郎廟及搗衣石言張魯女也有  
小水北流入漢謂之女郎水又述異記曰搗衣山一名  
靈山在瑯邪郡山南絕險巖有方石昔有神女于此搗  
衣其石明瑩謂之玉女搗練砧崔豹古今注曰蟋蟀一  
名吟蛩一名蛩秋初生得寒則鳴濟南呼為懶婦又云  
莎雞一名促織一名絡緯一名蟋蟀一名促織一名紡  
績促織謂鳴聲如急織絡  
緯謂其鳴聲如紡績也

### 用曹大家之明訓守宗伯姬

之貞節

後漢書曰扶風曹世叔妻者同郡班彪之女也  
名昭字惠班一名姬傳學高才世叔早卒有節

行法度兄固著漢書其八表及天文志未及竟而卒和  
帝詔昭就東觀藏書閣踵而成之帝數召入宮令皇后  
諸貴人師事焉號曰大家作女誡七篇有助內訓劉向  
列女傳曰伯姬者魯宣公女成公之妹也其母曰繆姜  
嫁伯姬於宋恭公十年恭公卒伯姬寡至景公時伯姬  
嘗遇夜火左右曰夫人少避火伯姬曰婦人之義保傳



不俱夜不下堂待保傳來也越義而生不如守義而死  
遂逮於火而死春秋詳錄其事為賢伯姬以為婦人以  
貞為行者也伯姬之婦道盡矣按此加以心依八覺理  
二語是彭城公已卒夫人具娶婦也

### 會三空

加以以下言夫人奉佛教也八覺言佛八種覺  
悟也有八大人覺經經云八大人覺亦名八生

法一道當少欲多欲非道二道當知足無厭非道三道  
當閒靜樂眾非道四道當自守戲笑非道五道當精進  
懈怠非道六道當專念多忘非道七道當定意亂意非  
道八道當智慧愚癡非道也般若經云三空一人空二  
法空三俱空僧肇維摩經注遊智刀於檀林泛仙舟於  
序曰道越三空非二乘所議

### 法海

王少頭陀寺碑文曰智刃所遊日新月故觀佛三  
昧經曰伊蘭與栴檀生末利山中伊蘭臭牛頭栴

檀上妙之香說文云叢木曰栴功德施論云如欲濟川  
先應取筏至彼岸已捨之而去此云仙舟即郭璞云水

中稱筏也又大論云波羅伽秦言度彼岸華嚴云以波羅密船于生死流中不依此岸不著彼岸不住中流而度衆生無有休息維摩經曰當禮法海德無邊幾神獨照默言象而無施空有

兼忘束筌蹄而不用

周易曰知幾其神乎後漢書西域傳論曰詳其清心釋累之訓空有

兼遺之宗道書之流也注云不執著為空執著為有兼遺謂不空不有虛實兩忘也維摩詰曰我及涅槃此二皆空老子云常無欲以觀其妙常有欲以觀其竅故曰道書之流也莊子曰筌者所以得魚也得魚而忘筌蹄者所以得兔也得兔而忘蹄言者所以在意也得意而忘言吾焉得夫忘言之人而與之言哉人生天

地壽非金石銀臺竊藥想奔月而何年金殿

一作玉釜一作金釜

煎香思反魂而無日

淮南子曰姮娥羿妻羿請不死之藥於西王母姮娥竊藥以奔月中

張衡思玄賦曰聘王母于銀臺注云銀臺仙人所居也  
述異記曰聚窟州有返魂樹伐其根心於玉釜中煮取  
汁又熬之今可丸名曰金精香或名振靈丸或名反生  
香或名却死香死尸在地聞氣即活王子年拾遺記曰  
漢延和三年春武帝定西胡月支國王遣使獻香四兩  
大如雀卵黑如桑椹帝以香非中國所之以付外庫至  
始元元年京城大疫死者大半帝取月支神香燒之於  
城內其死未三日者皆活香氣經三月不歇帝信神香  
乃秘錄餘香一日函檢如故而失神香也此香出於聚  
窟州人鳥山山多牛吼聞之者心振神駭伐其木根於  
玉釜中煮取汁更以微香熟煮之如黑飴狀今可丸名  
為驚精香或名振靈丸或名返生香或名振檀香或曰  
却死香一種六  
名斯皆靈物也

以某年月日終於平康

一作原

里之私第

越上元三年十月二十日合葬於城南之畢原禮也

按上

元唐高宗年號也舊唐書高宗紀云改咸亨五年為上元元年齊侯寢側杜氏階前對

文王之畢原用周公之合葬

晏子春秋曰景公成路寢之臺逢於何遭喪過晏子

於途再拜乎馬前晏子下車挹之曰子何以命嬰也對曰於何之母死兆在路寢之臺牖下願請命合骨晏子入白公公作色曰自古及今子亦嘗聞請合葬人主之宮者乎對曰古之人君不奪生人之居不踐死人之墓故未嘗聞請葬人主之宮也且嬰聞之生者不得安命之曰畜憂死者不得葬命之曰畜哀畜憂者怨畜哀者危君不如許之公曰諾逢於何葬其母於路寢之臺牖下檀弓曰季武子成寢杜氏之葬在西階之下請合葬焉許之武子曰合葬非古也自周公以來未之有改也馬融曰畢文王墓地名

偃松千古長無

寡鶴之悲文梓百尋還見雙鴛之集

抱朴子曰千樹之松有如偃蓋王褒

洞簫賦曰孤雌寡鶴娛優乎其下列異傳曰宋康王埋  
韓馮夫婦宿昔文梓生有鴛鴦雌雄各一恒棲樹上聲  
音感人又述異記云吳黃龍中吳郡海鹽有陸東美妻  
朱氏亦有容止夫妻相重寸步不相離時人號為比肩  
人夫婦云皆比翼恐不能佳後妻卒東美不食求死家  
人哀之乃合葬未一歲冢上生梓樹同根二身相抱而  
合成一樹每有雙鴻常宿於樹下權間之嗟嘆封其里  
曰比肩墓又曰雙梓後子弘與妻張氏雖無異亦相愛  
慕吳人又呼其銘曰

為小比肩

其銘曰

合葬非古周公所存

謝惠連祭古塚辭本禮記

死生千載棺槨雙魂

謝惠連祭古塚文曰還祔雙魂

野曠風急天寒日昏煙霾杳嶂霧失途

村詩云終風且霾毛傳曰霾雨土也釋天云風而雨土為霾孫炎曰大風揚塵土從上下也紀黃絹

之碑表對青松之墓門

黃絹注見本序潘岳寡婦賦云長松萋萋兮振柯又云墓門兮

肅肅

伯母東平郡夫人李氏墓誌銘

夫人唐常州刺史楊德裔之妻楊炯之伯母也按文苑英華楊炯有常州刺史楊公墓誌銘集作伯父東平楊公其畧云公諱德裔字德裔弘農華陰人也即常州刺史華山公之元孫左衛將軍武安公之長子也封東平公策勲上柱國知夫人楊炯伯母篇內炯忝為詹事司直是篇亦盈川之文也

夫人姓李氏隴西狄道人也自涼武昭王以後一門三

公為四海著族國史家牒詳之矣

晉書曰涼武昭王嵩字玄盛小字長生隴

西成紀人姓李氏漢前將軍廣之十六世孫也廣曾祖仲翔漢初為將軍討叛羌於素昌素昌乃狄道也衆寡

不敵死之仲翔子伯考奔喪因葬于狄道之東川遂家

焉世為西州右姓初署穀敘令段業僭稱涼王進玄盛

持節都督涼興諸軍事鎮西將軍領護西尼校尉隆安

四年六郡推為涼公薨年六十七國人上謚曰武昭王

墓曰建世陵廟號太祖子歆字士業涼後主玄盛以安

帝隆安四年立至宋少帝景平元年滅據河右凡二十

四年舊唐書高祖本紀云其先隴西狄道人涼武昭

王嵩七代孫也夫人為涼武昭王之後與國同乘矣

克頴後周大將軍消州刺史流江郡公

隋書地理志云宕渠郡流江後

魏置縣及置流江郡

考玄明皇朝上儀同

關

濟三州刺史成紀

縣男

隋志云天水郡成紀縣舊廢後周置

出入三朝剖符分竹

漢書文帝紀曰二年

九月初與郡守為銅虎符竹使符應劭曰銅虎符第一至第五發兵遣使符合乃聽之竹使符以竹箭五枚長五寸鐫刻篆書亦第一至第五也說文云符信也漢制以竹長六寸分而相合秦隴河濟之地

人到於今稱之天下士大夫知與不知莫不想望其風

采

漢書李廣傳曰百姓知與不知老壯皆為流涕

夫人生而純深幼而恭敬長

而敦睦成而和惠年及初筓甫歸於我

內則曰十有五年而笄

執箕箒

奉舅姑人不間於娣姒妾媵之言閨門之內穆如也故宗黨

推其令問鄉閭以為美談

周禮二十五家為閭四閭為族五族為黨五黨為州五州



為東平公守清白之基逢大平之日

東平本漢時國漢書地理志云故梁

國宣帝甘露二年為東平國

辟命交至聲聞於天

詩小雅鶴鳴之詞也

制

集作詔

徵尚書郎遷御史中丞出為棣曹恒常四州刺史

楊常州墓

誌云詔徵尚書郎御史中丞謫謫直有王臣之節尋以公事去官復拜饒州括州越州都督三州長史在會稽引陂水溉田數十頃人獲其利於今稱之焉

遷棣曹恒常四州刺史歷政清白為當時所重

夫人輔

佐君子聿修內政平旦纚笄則有君臣之嚴沃盥饋食

則有父子之敬報友而行則有兄弟之道受期必誠則

有朋友之信其婦德也如此

高誘淮南注云旦明平旦也內則曰婦事舅姑雞初

鳴咸盥漱擗縱筭總衣紳鄭注云縱韜髮者也又士冠禮注云纁一幅長六尺起以韜髮而結之矣又內則云進盥少者奉盥長者奉水請沃盥盥卒授巾鄭康成曰娣姒猶兄弟也

歷職中外聲名藉

甚和其琴瑟正其邦家者夫人與有力焉蓋嘗喟然而

言曰古者卿之內子為大帶命婦成祭服社而獻功可

不勗哉可不勗哉

禮器曰太廟之內敬矣君親制祭夫人薦盥君親割牲夫人薦酒卿大夫

從君命婦從夫人

由是服澣濯之衣躬紡績之事

葛覃詩序曰服浣濯之衣

鄭箋曰澣謂濯之耳衣謂襖以下至祿衣列女傳仲尼曰季氏之婦不淫矣詩曰婦無公事休其蠶織言婦人

以織績為事休之非禮也

筐筥錡釜之器

見左傳

所以執其勞頻繁繡

藻之菜

見左傳

所以明其德

左傳杜注曰方曰筐圖曰莒無足曰釜有足曰錡筐丘方

反莒九呂反錡其綺反筐皆器也莒大蒲也葵皤蒿蘊藻聚藻也蘊紆粉反蒹蒲丁反皤蒲多反白蒿也

非夫博文達禮貞婉聽從者孰能與於此乎

內則曰姆教婉婉聽

從鄭注云婉謂言語也婉之言媚謂容貌也婉紆晚反

及公乞骸告老退歸初服

夫人年踰耳順視聽不衰每歲發春日南長至

楚辭曰獻

歲發春分泊吾南征左傳莊二十九年曰日至而畢杜預曰日南至微陽始動故土功息又僖五年傳曰五年春王正月辛亥朔日南至杜云周正月十一月冬至之日日南極正義曰日之行天有南有北常立八尺之表以候景之短長夏至之景尺有五寸日最長而景最短是謂日北至也自是以後日稍近南冬至之景一丈三

尺日最短而景最長是謂日南至也冬至者十一月之中氣中氣者月半之氣也月朔而得中氣是必前月閏月今曰仲夏之月日長至正義曰長至者謂此月之時日長之至極太史漏刻夏至晝漏六十五刻夜漏三十五刻是日

長至也

羣從子弟稱觴上壽者動至數十百

集無此字

未

嘗不勸

一作歉

言善誘借以溫顏侃侃焉閭閻焉有孟母

之風焉有敬姜之誨焉

云公乞骸至誨焉

楊常州墓誌

分罷歸初服告老私庭乃率羣從子弟營別業於宜城神鄉之望仙里其制宅也宗廟為先庖庫為後喟然而言曰古人所謂歌于斯聚國族于斯者吾知之矣劉向列女傳曰鄒孟軻之母號孟母孟子長學六藝成大儒之名君子謂孟母善以漸化謂孟母知婦道又曰魯季敬母知禮而明于姑母之道謂孟母知婦道又曰魯季敬

姜莒女也號戴已魯大夫公父穆伯之妻文伯之母季康之從祖叔母也博達知禮穆伯先死敬姜守養文伯備于教化維永淳元年秋八月旁死魄寢疾彌留終於華陰

之望仙里享年八十有一

按楊常州墓誌公以文明元年夏四月薨于正寢春秋八

十有五此云夫人以永淳元年終按永淳二年高宗崩太子立為弘道元年弘道二年改朔元年二月天后廢帝為廬陵王立豫章王為帝改元文明夫人先公二年卒尚書武成曰惟一月壬辰旁死魄孔傳曰旁近也月二日死魄正義曰朔是死魄故月二日近死魄魄者形也謂月之輪郭無光之處名魄也朔後明生而魄死望後明死而魄生律歷志云死魄朔也生魄望也顧命云惟四月哉生魄傳云始生魄月十六日也月十六日為始生魄是一日為始死魄二日近死魄也冬十一月一按此知夫人以永淳元年八月二日卒也

日景辰遷窆於永豐鄉之平原從先兆也

楊常州墓誌云越垂拱元

年春二月某日與夫人隴西李氏合葬於某原遠近會葬千餘人操筆而為誄者以百數蓋遷窆也此云永淳之冬時東平公尚存矣東平公撫存懷舊用痛悼於厥心遠近咸

集宗親畢會生榮死哀其此之謂矣是日也皇太子監

守長安炯忝為詹事司直

按此知為楊炯之作也舊唐書楊炯傳云炯俄遷詹事司

直按傳儀鳳中授此職此云永淳之冬炯已為詹事司直矣左傳里克曰太子奉冢祀社稷之粢盛以朝夕視君膳者也故曰冢子君行則守有守則從從曰撫軍不守曰監國古之制也漢書曰詹事秦官掌皇太子家

獲就展

集作展哀

喪次陪奉靈輅

儀禮鄭注云次倚廬也說文曰輅喪車也敢薦

李顥之文庶同潘岳之誄

隋書經籍志有晉李顥集十卷錄一卷晉書潘岳辭藻絕

麗尤善為哀誄之文

嗚呼哀哉乃為銘曰

高岳之上浮雲翔兮函谷之外直氣揚兮

言李氏為西州右姓也高

岳謂西嶽也隴右在西皆西嶽所鎮函谷關名鹽鐵論云秦左轂函右隴阮西都賦云左據函谷二嶠之阻右界褒斜隴首之險是隴坻在函谷之西也建功北狄討西羌兮受封南鄭家

素昌兮

建功北狄討西羌者言涼武昭王為鎮西將軍領護西尺校尉推為涼公遂據河右也受封南

鄭家素昌者言涼後主歆字士景子重耳國亡奔涼為汝南太守後魏安南將軍豫州刺史也素昌地名即狄道注見本序言家於赫祖考為龍光兮牧州典郡佩銀

于隴西狄道也

黃兮

謂祖充穎考玄明並為刺史也詩云為龍為光漢書百官公卿表曰綬和元年改刺史為牧銀印青

綬云銀黃者銀謂印黃謂綬也漢官儀綬有黃赤綠五采漢名臣奏云大司空朱浮奏曰乘與綬五采何黃多也可更用

降生淑質秉禎祥兮苔華菊茂蘭若芳兮

言夫人生而令淑也

我有懿德如珪璋兮求之卜筮鳴鳳凰兮

詩云

好是懿德又云如珪如璋左氏傳曰初懿氏卜妻敬仲其妻占之曰吉是謂鳳凰於飛其鳴鏘鏘

君子

至止玉環鏘兮室家好合琴瑟張兮

詩云君子至止說文曰環璧也肉好

若一謂之環詩云妻子好合如鼓瑟琴又云宜爾室家

執其麻枲供衣裳兮羞其

饋食澄酒漿兮

禮記內則曰執麻枲治絲繭織紵組紃學女事以其衣服觀於祭祀納酒漿



豆莛醢禮相助奠象思里反糾音諸姑伯姊穆溫良兮  
巡正義曰麻采以下為婦功也

嬖姒叔妹歡未央兮公之出門牧守四方兮夫人之化

德洋洋兮言東平公為刺史夫人修其內政也公之告老返維桑兮閨門

之內道彌彰兮言東平公乞骸歸里夫人教睦親族也正月上日南至長

兮子孫歡慶各稱觴兮尚書曰正月上日受終于文祖孔傳曰上日朔日也按東平公

無子此云子孫謂諸子諸孫即羣從子弟也楊常州墓誌云一子今珍早亡朝夕溫清者四女公慨然有喪明

之痛因不豫遂留遺命以弟之子神毅為後宋公某作孟母魯季姜兮匪怒

伊教由舊章兮宋公疑謂宋恭公之妻宋伯姬也列女傳曰伯姬者魯宣公之女成公之妹也

其母曰繆姜嫁伯姬于宋恭公三月廟見伯姬以恭公  
不親迎不肯聽命宋人告魯魯使季文子如宋致命于  
伯姬既嫁十年恭公卒嘗夜遇火保傅未至守義而死  
孟母季姜注見本序匪怒伊教者如宋姬之疾不親迎  
孟母之以刀斷織季姜之戒淫慎微  
皆非怒而為教也詩云率由舊章  
方期高舉登紫房

今誰謂不宜

集作冥然

掩玄堂兮

清虛真人歌曰凝神泥丸內紫房何蔚炳傳玄七哀

詩曰杳杳三泉室冥冥玄夜堂

肅肅松檟鬱成行兮沈沈厚夕

集作

終

不暘兮

任昉范始興表云松檟成行左氏傳曰惟是春秋寔寔之事杜注曰寔厚也寔夜也厚夜謂葬

埋也寔張倫反一徒門反寔音夕


庾子山集卷十六

謹案第十五頁後六行長者奉水請沃盥卒授巾  
刊本請訛清據內則改

第三十七頁前二行雁者隨陽而處刊本隨訛處  
據鄭箋改

第四十七頁後三行一名促織句本行重見疑有  
訛字





總校官進士臣胡榮

校對官助教臣金學詩

謄錄監生臣趙興吾

欽定四庫全書薈要

集部

庚子山集總釋



詳校官原任編修臣徐立綱

庾子山集總釋

總釋者以子山之文其辭富而膽其義博而雅復而不  
厭久而愈亮鄙才短見意未周盡若登山遠望而近或  
遺入室近觀而遠不察寧舉大而畧小毋循小而失大  
是以字句之末時有所脫漏又或一語而二義並含一  
事而兩家兼列非謂自相紕繆實欲酌其瑕玦亦既粗  
陳梗槩矣其間繁詞縟義苦覽者之勞倦尚或闕焉今

次其前後補其缺遺自賦詩以下各為條貫并解釋評  
論總於此篇

卷一

馬射賦

○周王玄圃之前猶駢八駿

本注已見按穆天子傳列子博物志諸書皆云八駿驂騶騄耳

赤驥白義渠黃踰輪盜驪山子惟王子年拾遺記為異  
一名絕地足不踐地二名翻羽行越飛禽三名奔霄夜  
行萬里四名超景逐日而行五名踰輝光色炳耀六名  
超光一景十形七名騰霧乘雲而奔八名扶翼身有肉  
翅○我大周之創業也漢書地理志扶風美陽岐山  
西北中水鄉周太王所邑按文王受命武王克殷遂為  
一代大號宇文泰奉魏帝西遷本古周地有憲章之志  
及受魏禪遂以周為國號行周禮焉周閭帝紀云魏恭



帝三年十二月丁亥魏帝詔以岐陽地封帝為周公庚子詔禪位于帝○日月光華 尚書大傳帝唱云日月

光華旦復旦兮又八伯歌曰日月光華宏予一人○威風總于戎政 西征賦曰明戎政之果毅劉良曰戎政

兵之政也○百姓為心

注見徵調曲○即動皇情

顏延年曲水詩曰皇情爰眷劉良曰皇情天子之情也

○識海水而來王

韓詩外傳曰越裳氏重譯來朝獻

白雉曰海不揚波三年矣意者中國有聖人乎詩曰莫

敢不來王○烏弋黃支

舊本作烏戈黃皮蓋誤今改

正○驗東風而受吏

十洲記曰天漢三年月氏國獻

神香使者曰東風入律百旬不休意中國有好道君故

搜奇異而貢神香餘見本注○止立行宮

謝瞻從宋

公戲馬臺詩云揚鑒戾行宮張銑曰行宮謂馬臺○青

莖赤羽 已見本注按赤羽以赤羽羽箭也相如上林

賦曰滿白羽文穎曰以白羽羽箭韓詩外傳云赤羽如

日白羽如月知羽箭或白羽或赤羽矣○雖復暫離北

闕即宴西城爾雅釋宮云觀謂之闕郭璞云宮門雙  
闕劉熙釋名云闕在門兩傍中央闕然為道也漢書師  
古注曰北闕為正門闕中記曰未央宮東有蒼龍闕北  
有玄武闕漢書所謂北闕者也三輔黃圖曰長安北頭  
第一門曰雍門本曰西城門○屬車醴酒複道焚香  
本注已見思舊銘內較詳○皇帝翊四校于仙園一  
作翊四圍于帝閑周禮校人云凡從良馬而養乘之乘  
一師四圍鄭司農云四匹為乘養馬為圍故春秋傳曰  
馬有圍周禮又云天子十有二閑馬六種按天子十二  
閑故云帝閑○春經實撫淮南子曰季春之月鼓琴  
瑟○入埵則塵紅李陵詩曰紅塵塞天地白日何冥  
冥西都賦曰紅塵四合烟雲相連○變三驅而畫虎  
周易曰王用三驅○繫弱振地已見本注呂氏春秋  
曰今有羿逢蒙繫弱于此而無弦則必不能中也高誘  
曰繫弱良弓所出地也因以為弓名○馬噴沾衣穆  
天子傳曰天子東遊于黃澤使宮樂誼云黃之陀其馬

噴沙皇人威儀黃之澤其馬噴玉皇人受玉○南風在斯  
本注引樂記已見按鄭注南風長養之風也以言

父母之長養已其辭未聞也疏云聖證論引尸子及家  
語難鄭云昔者舜彈五絃之琴其辭曰南風之薰今可  
以解吾民之愠兮南風之時兮可以阜吾民之財兮鄭  
失其義馬昭云家語王肅所增加非鄭所見又尸子雜  
說不可取證正經故言未聞今補錄  
小園賦○余有數  
之以明阜財解愠等辭非經語也  
畹畹廬寂

寞人外  
左傳杞梁之妻曰猶有先人之敝廬在漢書  
揚雄傳贊曰惟寂寞○聊以擬伏臘  
漢書曰秦總公

作伏祠孟康曰六月伏日歷忌釋曰伏者何也金氣藏

伏之日也四時代謝皆以相生立春木代水水生木立

夏火代木木生火立冬水代金金生水至于立秋以金

代火金畏火故至庚日必伏庚者金故也臘者風俗通

禮傳曰夏曰嘉平殷曰清祀周曰大蜡漢故改曰臘臘  
獵也言田獵取獸以祭其先祖又曰臘者歲終祭神之

名臘者接也新故交接故大祭以報功也漢火行衰于戌故臘用戌也後漢書陳寵傳曰猶用漢家祖臘潘岳閒居賦曰牧羊酤酪以佚伏臘之費○枝間相交相如上林賦曰夭矯枝格李善云埤蒼曰格木長貌也○相

連珠細菌本注已見菌一本作菌說文曰菌地菴也聲渠殞切爾雅中馵菌小者菌郭云地菴也張衡思玄

賦曰咀石菌之流英李善云菌芝也抱朴子有珠芝相連而垂如貫珠也○光華兮已晚一作菁華帝載歌

曰菁華已竭禮竹杖賦○先生將以養老將以扶危禮寒裳去之

璞桃枝贊曰云輪人作車輪之人○魯分以叩竹杖賦○和輪人之不重禮記鄭注

杖以扶危禮記離記曰古者貴賤皆杖叔孫武叔爵漢錫以年朝見輪人以其杖闕穀而輟輪者于是有爵而後杖也

正義曰以其爵位既尊其杖不鄙褻而許用也續漢書曰民年七十授之以玉杖○間尊卑之垂悅舊作悅

非枯樹賦

賦曰忘其所以

睽睽睽睽

傷心賦

○劉

母英華記作創韜本注引劉滔母孫氏悼艱賦云云

見藝文類聚藝文又稱晉鈕滔母與虞定夫人薦環夫

人書其畧云瓊聞興賢崇德聖主令典旌善表操有邦

盛務伏見族祖吳國亡民富春孫房妻環少鴈令節逮

適孫氏恪居婦職房母喪殯喪頃半年房奄亡沒環率

禮奉終抗義明節前無立子家欲改醮誓而不許按下

文任咸之親書翰傷切文詞哀痛鈕滔之母孫瓊善于

書翰任咸之親潘岳工于文詞是鈕滔母亦得引之也

隋書經籍志晉松陽令鈕滔母孫瓊集二卷知瓊亦才

女英華之作劍滔是其傳寫之訛後人以劉字類劍改

正舊文故近本亦作劉滔若從必書劍字亦類鈕劉鈕

之誤未可定也○膝下龍摧孝經曰故親生之膝下

以養父母○惟棘惟藥本注已見又檜風素冠之詩

云棘人藥藥今毛傳云棘急也藥藥瘠貌按詩刺不能

行三年之喪與此似不相屬或惟言其哀戚之狀形貌瘦瘠耶○三珠兩鳳 三珠出山海經其樹如栢葉皆有珠淮南子云三珠樹在東北方有玉樹在赤水之上按三珠義起于此未詳何人唐書稱王勃兄弟曰此王氏三珠亦本此義兩鳳本注引崔陵兄弟然意有未愜子山南朝才士文詞淹博未必引北齊之事且東魏禪齊子山年三十八歲及周平齊年六十有五同時之事亦異故府崔家之前已有兩鳳猶王氏之始先有三珠淺學未達一斑敢窺全豹乎○烏毛徒覆獸乳空含按一本作烏又一本作鳥本注從鳥引慈烏反哺之說下獸乳為羊食跪乳矣與上文風無少女草不宜男皆假物喻人若從鳥則二語皆屬於人史記曰姜源生子棄之渠中水上飛鳥以翼覆薦之姜源以為神遂收養之左氏傳曰楚若敖娶于邾生鬬伯比若敖卒從其母畜于邾淫于邾子之女生子文焉邾夫人使棄諸夢中獸乳之邾子田見之懼而歸夫人以告遂使收之漢書

叙傳曰班氏之先令尹子文初生棄于夢中而虎乳之楚人謂乳穀謂虎於擇故名穀於擇楚人以為虎班矣

子山生子失之亦得云

**象戲賦**

○原窮作聖 尚書洪範曰睿作聖禮記曰作

者之謂聖○可以變俗移風可以蒞官行政 禮記曰樂者所以移風易俗也蒞官行政曲禮辭也○剛柔卷

舒 淮南子曰與剛柔卷舒兮高誘曰卷舒屈伸也○雖復成之于手終須得之于心 列子曰泰豆曰得之

于手應

**春賦**

○樹下流杯落

本注已見又宋志云

**夕賦**

○羊燈次安

本注已見李尤金羊燈銘云賢哲勉務惟日不足金羊載耀作明以續後漢書文苑

傳曰李尤字伯仁廣漢雒人也

**燈賦**

○乃有百枝燈同樹四照連盤 孫惠有百枝燈賦又支曇諦燈贊曰

千燈同輝百枝並耀鄴中記曰石虎正旦會于殿前設百二十枝燈梁簡文帝列燈賦云九微間吐百枝交布

山海經曰招搖之山有木其花四照東宮舊事曰太子納妃有金塗連盤短燈二金塗連盤鴨燈一○香添然蜜  
西京雜記曰南越王獻高帝蜜燭二百枝○秀華掩映  
漢書樂志曰金支秀華  
**對燭賦**○

鳳銜蓮圖龍並眠  
西京雜記曰長安巧工丁緩者為常滿燈七龍五鳳雜以芙蓉蓮藕之奇○銅荷承淚蠟  
拾遺記曰周穆王三十六年春宵宮集諸方士設常生之燈列璫膏之燭又有永荷者出冰壺之中取此花以覆燭七八尺不欲使光明遠也  
按  
**鏡賦**○能橫却月銅荷承蠟義起于此欲以象之也  
巧挂迴風

却月釵名注見五卷樂府王昭君辭西京雜記曰趙飛燕女弟上襪三十五條有迴風扇按迴風亦疑圖者若團扇之類言此鏡臺之上橫釵挂扇也不則第取其圓言鏡形似之○梳頭新罷照著衣  
東宮舊事曰皇太子納妃有著衣大鏡○暫看絃繫懸知擷綬  
西京雜記曰宣帝繫獄臂上猶帶史良娣合采婉轉絲繩繫身



毒寶鏡一枚大如八銖錢及即大位以琥珀荀盛之說  
文曰以衣衽扱物謂之擷從衣頤聲胡結切或從手纈  
纈一作擷晉書五行志曰婦人結髮者既成以纈急  
束其環名曰擷子紒又曰紒者在首又云婦人束髮其  
緩彌甚紒之堅不能自立髮被于額目出而已暫看  
紒繫懸知擷紒者謂繫鏡于身以此自照其髮也 鴛

鴛賦

○共飛簷瓦  
作共飛簷几蓋誤

蕩子賦

梁元帝集中有  
蕩婦秋思賦

## 卷二

哀江南賦

○華陽奔命  
途之所經也按梁魏所都本古秦楚之國其

本注已見此述其使魏之時

荆雍接界若賦內所稱下江餘城長林故營者梁之武  
寧郡地魏代江陵蕭詧會兵之所進攻也詧在雍州與  
元帝構隙自梁太清三年魏之大統十五年使魏稱藩  
襄陽為詧所據關塞之阻難可通達矣又按水經注稱

丹水所逕有三戶城本楚之三戶春秋之商密昔漢祖入關王陵起兵入關以歸漢祖即此地也在于南陽秦楚接境弘農秦之函谷關弘農郡有華陰縣華山在其西南信之使魏蓋從此路由南陽而達于弘農以至長安是從華陽奔命而北至于華陰也。物極必反。呂氏春秋曰天地車輪終則復始極則復反莫不咸當。張平子見而陋之固其宜矣。本註已見按孟堅作賦平子更造二都二京差足抗衡若復自云陋之張為薄矣昔蔡中郎之于靈光陸平原之于三都初欲作之見而輟筆衡獨更造若張融海賦云木生之作君自君矣薄而陋之或是他人所頌非平子之言子山引此必有其文惜無所考藝文類聚直稱張衡西京賦曰云云按後漢書及昭明文選西京賦無此辭疑歐陽之誤今本注稱藝文類聚云。經邦佐漢用論道而當官。予初閱此辭疑為三公語後知其非庾氏在漢三公無間惟後漢逸民庾乘見于史傳使隱逸之人而稱經邦佐漢

則綺季園公擬于蕭曹可相國矣若云用論道而經邦  
此便是三公之辭論道當官其事雖大其職甚小蓋倉  
庾之類也何則史稱平準本是司農之官漢志食貨原  
為八政所重文景以還屢較有司以農為務武帝初年  
康庾盡滿太倉粟紅為吏者長子孫居官者為姓號其  
當官如此若乃經邦佐漢論道此指在上位者如卜式  
顧上家財而位至御史弘羊善為心計而少登侍中庾  
氏在其下特居其一官也考工記云坐而論之謂之三  
公作而行之謂之士大夫此當官若作而行之矣又按  
上文掌庾承周滕道序云有周之時掌庾原其得姓梁  
元帝庾承先墓誌云悠哉掌庾興自陶唐是堯時已有  
掌庾此特云庾氏在周有之在漢亦有之不必陶唐掌  
庾子孫在周又為掌庾周掌庾之子孫至漢又並氏倉  
庾也○彼凌江而建國彼凌江周書作被江漢○裂  
東嶽而昨土本注已見又按韋昭漢書注太山東接  
吳之境曹子建責躬詩曰願蒙矢石建旗東嶽善曰東

嶽鎮吳之境時八世祖滔封遂昌侯蓋晉東陽郡屬縣本吳地也○少微真人 本注已見續晉陽秋曰謝敷

隱居會稽山初月犯少微星一名處士星時戴逵名重于數時人憂之俄而數死故會稽士人嘲吳人曰吳中

高士求死不得○齒明離之胄筵 本注已見禮記王制曰凡入學以齒鄭注云皆以長幼受學不用尊卑○

拭玉于西河之左 玉周書作圭○知百年而為戎矣周書作知其時為戎矣○久遊魂而放命 魏明帝

善哉行曰權實堅子倫則亡虜假氣遊魂烏魚為伍晉書東海王越致書于敏曰今羯賊屯結遊魂河濟○天

則金精動宿 本注已見又月賦曰月以陰靈亦曰金精○爾乃假刻璽于關塞 爾周書在余漢書師古注

曰璽之言信也古者印璽通今則尊卑有別○望赤壁而沾衣 本注已見一本作赤壁曹子建表曰南至于

赤壁山謙之南徐記曰京江禹貢北江春秋分朔輒有大濤至江乘北激赤壁尤更汎猛赤壁在廣陵江賦曰

鼓洪濤于赤岸七發曰凌赤岸李善云或曰赤岸在廣陵興縣○江萍送王本注引家語事見劉向說苑○

昔之虎踞龍盤本注已見引張勃吳錄張勃晉人吳鴻臚儼之子作吳錄○以愛子而託人以周書作捐

○是以蟄熊傷馬浮蛟沒船淮南子曰熊羆蟄藏爾雅曰熊虎醜疏云醜類也呂氏春秋曰荆有次非者得

寶劍于干遂還反涉江至于中流有兩蛟夾繞其船次非謂舟人曰子嘗見兩蛟繞船能兩活者乎船人曰未

之見也次非攘臂祛衣拔寶劍曰此江中之腐肉朽骨也棄劍以全余何愛焉于是赴江刺蛟殺之而復上船

舟中之人皆活荆王聞之仕之執圭○非所望于論都本注已見隋書藝術庾季才傳曰元帝頗明星厯因

共仰觀從容謂季才曰朕猶慮禍起蕭牆何方可息季才曰頃天象告變秦將入郢陛下宜留重臣作鎮荆陝

整旆還都以避其患假令謁寇侵軼止失荆襄在于社稷可得無患必久停留恐非天意也帝初然之後與吏

部尚書宗懷等議乃止俄而江陵陷滅竟如其言○章  
曼枝以較走本注引韓子亦見呂氏春秋呂氏作枝  
韓子作支○踐長樂之神臯望宣平之貴里本注  
已見西征賦曰爾乃階長樂又曰踐宣平之清閭

### 卷三

奉和汎江

和梁簡文帝汎舟橫大江詩○春江下白帝  
顏延年曲水詩曰春江壯風濤餘詳本注

陪駕幸終南山和宇文內史

○長虹雙瀑布圓闕兩芙蓉  
成樓鳴夕鼓山寺響晨

鐘班固終南山賦曰傍吐飛瀨又曰立泉落落孫綽  
遊天台山賦曰瀑布飛沈以界道李善注云懸雷千仞  
謂之布李周翰曰懸雷千仞如垂布而下也曹植詩曰  
員闕出浮雲西京賦曰圓闕聳以造天若雙碣之相望  
按成樓郡縣嚴更之和宇文內史春日遊山○金鞍上  
鼓昏鐘以節蚤夜也和宇文內史春日遊山○金鞍上

京雜記曰武帝時得貳師天馬以玫瑰石為鞍鑲以金銀鍍石又云長安盛飾鞍馬以南海白蜃為珂紫金為花以飾其上  
**和宇文內史遊田**  
○小苑禁門間漢書蕭望之傳望之以射策

甲科為郎署小苑東門候東觀漢記云杜詩曰伏奉港出入禁門補缺拾遺鮑照放歌行曰禁門平旦開

**報寄洛州**

○驅傳牧南秦魏書地窮秋報隱士○自形志云上洛郡有南秦水然曲

**窮秋報隱士**

○自

木几。語林任元褒為光祿勳孫翊往詣之見吏憑几視孫入語任曰吏几對客不為禮任便推之吏答曰得罰體痛以橫木扶持非憑几也孫曰直木橫施值其兩足便為憑几何必孤鵠蟠膝曲木抱腰○聚花聊飼鶴

一作鵲

○穿池試養魚潘岳閒居賦曰爰定我居

穿池築室李善云莊子孔子曰魚相與造于水上者穿

池而結養○鶴毛飄亂雪車轂轉飛蓬晉書曰王恭

披鶴氅裘涉雪而行淮南子曰見飛蓬轉而為車

贈司寇淮南公

○小人司刺舉明別實濫吹至遂令忘楚操何但食周薇予初讀此數語以子

山自述從梁使魏屈節仕周之由小人司刺舉明別實濫吹者謂元帝承制時已為御史中丞受朝廷明舉實為濫竽也漢書諸葛豐傳曰刺舉無所避此御史亦得稱之南部治都尉軍謀假建威者謂為右衛將軍也時建都江陵如古三輔都尉又將軍舊有建威之名矣高山隱士石丹水鳳凰磯野亭長被馬山城早掩扉者言梁與魏接界是古秦楚之地兩國疆場時有警也水經注引竹書紀年晉烈公三年楚人伐我南鄙至于上洛楚水注之楚水出上洛縣西南楚山昔四皓隱于楚山即此山也按此云高山隱士石是矣石一作宅又鄧元注云丹水又東南逕一城名三戶城昔漢祖入關王陵起兵入關以歸漢祖丹水縣有密陽鄉古商密之地春秋之三戶矣又史記有楚雖三戶亡秦必楚之言知為秦楚接境時魏都長安本秦地梁都江陵本楚地野亭



被馬山城掩扉兩國之警如此故元帝使信聘魏欲通和也傳呼擁絳節交戰映形闌遂令忘楚操何但食周薇者言持節使魏魏人以威迫之遂令屈節也傳呼已見本注又崔豹古今注曰兩漢京兆河南尹及執金吾司隸校尉皆使人導引傳呼使行者止坐者起四人皆持角弓違者則射之有乘高窺闕者亦射之晉魏設角而不用也按絳節赤節節使者所擁也時已持節而來聞魏人傳呼之聲不以禮待也交戰已見本注又魏志武帝紀建安二年注引世語曰舊制三公領兵入見皆交戟叉頭而前公自此不復朝見彤闌已見本注言魏人以威劫之使我遂忘楚操竟餐周粟也予初為此解然偉本北人彼雖全節而歸事異蘇李時子山刺舉洛州商山上洛皆其所治齊平偉歸彼既北人歸北我常南人返南特以羈旅之臣官尊祿厚數數刀環為茲慙語耳不必累言使魏因削其札今并錄之以備博識者之采擇焉

任洛州酬薛文學見

贈別

○曰余濫推轂民願始天從  
曰語辭發端說文云曰從開口象氣出于口也  
稽康幽憤詩云曰余

不敏謝靈運之郡初發都詩云曰余亦支離沈約游沈

道士館詩云曰余知止足推轂見本注尚書泰誓曰民

之所欲天必從之○弘農開附庸○詩曰錫之土田山

川附庸○北梁送孫楚西堤別葛龔已見本注又按

孫楚有答弘農故吏民詩征西官屬送別詩邯鄲氏笑

林曰桓帝時有人辟公府掾者倩人作奏記文不能為

作因語曰梁國葛龔者先善為記文自可為用不煩更

作從人言寫記文不去龔名姓府公大驚不答而罷歸

時人語曰作奏雖工宜從駕觀講武○兵欄入闕場

去葛龔見後漢書注史記索隱注曰天

子門有兵欄奉和闡弘二教應詔周書武帝紀云天和

曰司馬門四年二月戊辰帝御

大德殿集百寮道士沙門等討論釋老義隋書經籍志

云周武帝時蜀郡沙門衛元嵩上書稱僧徒猥濫武帝

出詔一切廢毀又云後周承魏崇奉道法每帝受錄如  
魏之舊尋與佛法俱滅按武帝廢佛道二教在後建德  
三年此闡弘二教在前天和四年相去凡六年也○香  
烟聚為塔花雨即成臺○伽藍記曰王修浮圖與夫人  
燒香散花轆轤絞索一舉便到大品云釋提桓因及三  
千大千世界中諸天化作花散佛菩薩摩訶薩比丘僧  
及須菩提上亦供養般若波羅蜜是時三千大千世界  
華悉周徧于虛空中化成花臺端嚴殊妙須菩提心念  
是天子所散華天上未曾見如是華華是化華非樹生  
華是諸天子所散華從心樹生非樹生華按雨花梵音  
婆利師迦亦云婆師迦又云婆使迦此云夏主花又翻  
雨花雨時方生故曰雨花又按左傳杜注凡自止而下  
謂之雨此諸天散花從天而下如  
雨又有雨花之名故云花雨也  
**奉和同泰寺浮圖**  
浮圖  
梵語塔婆此云高顯畧稱塔也又梵云蘇愉婆此云寶  
塔又梵音牢堵波此云墳又云抖擻婆此云讚護或云

浮圖此云聚相西域記云立表○高層出九城城一作成呂氏春秋曰有娥氏有二佚女為九成之臺也○畫水流金住圖雲色半輕毘奈耶云給孤長者造寺後作念若不粧畫便不端嚴即白佛佛言隨意未知畫何物佛言于門兩頰應畫執杖藥旁一面畫大神相次一面畫五趣生死輪簷下畫本生事佛殿兩頰畫持鬘藥講堂畫耆宿講說食堂畫持餅藥庫門畫持寶藥水堂畫龍王持瓶浴室火堂畫天使者經法堂畫菩薩并地獄相瞻病堂畫佛看病比丘相大小行處畫死屍相僧房畫白骨相五天使者即生死疾病及世牢獄按寺院畫壁義起于此西京雜記曰哀帝為董賢起大第于北闕下柱壁皆畫雲氣花藹山靈水怪奉和法筵應詔○千柱蓮花塔由旬紫紺園○酉陽雜俎云閻摩那婆羅第二樹中有千柱殿梁元帝善覺寺碑文云寶純交映無慚紫紺之宮紺園佛寺也和何儀同講竟述懷○似得遊學

記曰君子之于學也藏焉修焉息焉遊焉。短擬詠懷  
景側餘輝 周禮鄭注云日中之景最短者也。

○松竹且悲吟 孫子曰貞人在冬則松竹也。三國名

臣贊曰爭采松竹。○寓衛非所寓安齊實未安 詩邯

風序云式微黎侯寓于衛其臣勸以歸也。箋云寓寄也。

黎人為狄人所逐棄其國而寄于衛衛處之以二邑因

安之可以歸而不歸故其臣勸之。左氏傳曰晉公子重

耳及齊齊桓公妻之有馬二十乘公子安之。姜曰行也

懷與安實敗名。○知余行路難 續晉陽秋曰袁山松

善音樂北人舊歌有行路難曲辭頗疎山松好之乃為

文其章句婉其節制每因酒酣從而歌之聽者莫不流

涕而羊曇善唱樂桓伊能挽歌及山松以行路難繼之

時人謂之三絕。○天亡知憤戰日感值愁兵 天亡本

注已見漢書魏相上書曰爭恨小故不忍憤怒者謂之

忿兵。忿者敗詩云日蹙國百里。○烽火夜燒原 左

氏傳曰商書曰如火之燎原。○楚師正圍羣 本注已

見史記酈食其傳曰項羽擊漢拔滎陽漢兵遁保鞏洛  
計欲稍成鞏以東屯鞏洛以拒楚。憤憤天公曉庚  
翼與兄冰書曰無皂白之徵天公憤憤也。其面雖可  
熱其心常自寒。晉書周顗傳曰王敦素憚顗見輒面  
熱高唐賦曰寒心酸鼻司馬遷報任安書曰商鞅因景  
監見趙良寒心劉良曰寒心謂愧恥也。抱松傷別鶴  
本注已見云抱松者事出神境記注見鶴譜。生涯實  
有始天道終虛索。莊子曰吾生也有涯老子曰天地  
之間其猶  
索籥乎

## 卷四

喜晴應詔

○有序即賓連瑞應圖曰王者啟機  
有序男女有別則賓連潤達生于房  
和李

司錄喜雨

○屬此欣膏露西京雜記曰  
露則結珠而成甘結潤而成膏  
郊行值雪還

如驅王馬暫似獵銀犀 晉書新蔡王騰傳云初騰發  
并州次于其營值大雪平地數尺營門前方數丈雪融  
不積騰怪而掘之得王馬高尺許表獻之宋書符瑞志  
曰白犀王者刑罰理則至注詳總釋第七卷白兎表內

### 奉和夏日應令

○開冰帶井水 陸鄰鄴中記曰石季

綸含蕉葉氣 稽含南方草木狀曰蕉葛可紡績為絺  
綌交廣有之注 詳九卷連珠甘蔗自長故知無節句○

扇動竹花涼

班固竹扇詩

### 和裴儀同秋日

○栖遑終

日來風堪避暑 靜夜致清涼

不定方欲

涕沾袍

答賓戲曰聖哲之治棲棲遑遑公

### 傷王司徒

羊傳稱西狩獲麟孔子反袂拭面涕沾袍

### 褒

○不廢披書案 九州春秋曰孔融為北海太守為  
袁譚所攻流矢雨集矛戟內接然融憑几安坐讀書

論義自若也說文曰案几屬○山 和何僕射還宅懷故  
火即時然 古詩曰朱火然其中

○步檐朝未歸 楚辭曰曲屋步檐漢書相如上林賦曰步檐周流師古曰步檐言其下可行行步即今之步廊也張鏡曰步檐謂屋檐下行也按檐與檐字同○夜帳定難依 桓子新論曰武帝思念李夫人不已有方士齊人李少翁言能致夫人之神乃夜設燭燈于帳帷令帝別居空帳中遙望見李夫人之貌○願憑甘露入方假慧燈輝 華嚴經 送靈法師葬 ○龍泉今日掩石洞曰放光明名慧燈 即時封○法苑云盧

山西有龍泉精舍慧遠沙門之所立也石洞注見佛龕銘龕重佛影句○香爐猶是栢塵尾即成松○法苑云天人黃瓊說迦葉佛香爐畧云前有十六獅子白象于二獸頭上別起蓮華臺以為爐後有獅子蹲踞頂下有九頭繞承金花花內有金臺寶子盛香佛說法時常執香爐北觀今世手爐之製小有做法焉釋慧遠廬山記曰東南有香爐峰其上氤氲若香煙音義指歸云名苑曰鹿之大者曰麀羣鹿隨之皆看麀所在隨麀尾所



轉為準今講者執之象彼蓋有所指塵故五百問云此丘捉麈尾犯墮言墓上栢似爐烟松如麈尾象平生說法

### 奉和賜曹美人

○今朝得夢蘭本注已見又按夢蘭古之美人見龍輔女紅餘志對上

文弄玉俱人名○芙蓉宜熟看奉和初秋○南宮應西京雜記曰文君臉際常若芙蓉

京雜記曰漢高祖七年蕭相國造未央宮因龍首山制前殿北闕三秦記以為盡鑿龍首山矣詠畫屏

### 風詩

○平旦雍門開本注引關中詩云云李善注云漢書右扶風有雍縣○山濤載妓來按晉書濤

居榮貴貞慎儉約雖爵同千乘而無嬪嫔此云山濤載妓是所未詳故本注惟載其氏籍而已和庾四

本注疑是庾季才集中有庾七入蜀及此庾四按季才傳無入蜀之事疑庾四是也北史隋書並稱季才與信

同時羈旅並預校書又志好賓遊常吉日良辰與琅琊王褒彭城劉鼓河東裴政及宗人信等為文酒之會此

二庚唱和並  
念鄉關矣

**鬪雞**

○狸膏燠鬪敵  
見莊子謂惠子曰羊溝之雞三歲為

本注引曹植詩已

株相者視之則非良雞也然而  
數以勝人者以狸膏塗其頭

**春日離合二首**

舊本首  
篇注春

字二篇  
**和迴文**

和湘東王後園  
元帝紀云十三年封湘東王元帝集中

按湘東王梁元帝也

有遊後園詩晚景遊後園詩二首非迴文也簡文帝集  
有和湘東王後園迴文其詞曰枝雲間石峰脉水侵山  
岸池清戲鵲聚樹秋飛葉散此詩和  
湘東王後園又和簡文帝迴文也

## 卷五

**對酒歌**

○牽馬渭橋西日曝山頭脯  
陵項仲山每飲馬渭水常投三錢宋玉神女賦

三輔決錄曰安

曰晡夕之後李善注云晡日  
映時也張銑曰晡夕晚夕也

**出自薊北門行**

○都尉夜  
巡營都

尉一作都護漢書曰都護之置自鄭吉始

### 步虛詞

○八景逐迴與本注已見西王母傳曰紫虛元君

魏華存清齋于陽洛隱元之臺王母與金闕聖君降于臺中乘八景與同詣清虛上宮玉清隱書四卷授華存

歌云駕我八景與欬然入太清○枯魚還作魚本注已見莊子云索我于枯魚之肆說苑子路曰枯魚銜索

幾何不蠹是魚死稱枯魚也○龍泥印玉篆王子年拾遺記曰浮提國獻神通善書二人乍老乍少隱形則

出影聞聲則藏形出肘間金壺四寸有五龍之檢封以青泥壺中有黑汁如淳漆灑地及石皆成篆隸科斗之

字記造化人倫之始佐老子撰道德經垂十萬言寫以玉牒編以金繩貯以玉函經成工畢二人不知所處○

龍山種玉榮本注已見龍山一本作春山者按郭璞山海經注曰穆天子傳種山作春字音同是春山即種

山燕歌行○盤龍明鏡餉秦嘉本注已見鍾嶸詩品矣漢秦嘉徐淑夫妻事既可傷文亦悽怨五

言不過數家而婦人居二徐淑叙別之作亞于  
團扇矣蕭子顯日出東南行云明鏡盤龍刻

## 卷六

### 圓丘歌

○連珠合璧光重來 易川靈圖曰至德之前  
日月若連璧五星若貫珠拾遺記曰虞舜在位

十五年有五老遊于圓都舜禪于禹五老不知所從舜  
乃置五星之初以祭之其夜有五長星出薰風四起連  
珠合璧祥  
應備焉 方澤歌 ○方鼎升庖 左氏傳曰賜子產茗  
之二方鼎服虔曰鼎三足則圓四足

### 方登歌

○質明孝敬求陰順陽 禮器曰質明而始行  
事晏朝而罷正義曰質正也郊特牲曰祭求諸

陰陽之義也。封中雲起 封禪書曰至泰山  
祭后土禪祠其夜若有光晝有白雲起封中 祀五帝

### 歌

○嘉幣惟量 曲禮曰幣曰量幣。陽之天 本注  
已見淮南子曰東南陽天。朱絃絳鼓磬虔誠 禮

記曰清廟之瑟朱絃而疏越一唱而三歎有遺音者矣  
鄭注曰朱絃練朱絃也練則聲濁後漢書禮儀志云伐  
朱鼓注云朱火色也按絳亦朱也○瑞獸霜耀翔禽雪  
映王敦勸進中宗表曰皓獸應瑞而來臻拾遺記曰  
魏禪晉之歲北闕下有白光如鳥雀之狀時飛翔去來  
有司奏聞帝使羅之得一白鷺論者云金德之瑞詳見  
馬射賦言白色

### 宗廟歌

○歌器防滿 本注引家語事  
出韓詩外傳○潛慶靈長 郭

叶于金德也

璞江賦曰實水德之靈長○無時猶戢翼有道故韜光

吳越春秋扶同曰鷺鳥將搏必卑飛戢翼聖人惟動

必順辭知衆吳志賀邵曰陛下昔韜神光潛德東夏千  
寶晉紀文帝貽吳王文曰韜神光福德久勞于外廣雅

曰韜藏也謝眺齊敬后哀策文曰先德韜光○儀形溫  
德 本注引范曄後漢書已見東觀漢紀及袁宏紀並

作溫明殿是後漢溫德殿即溫明殿也○卷舒雲泛濫  
游揚日浸微 高誘淮南注曰卷舒屈伸也楚辭曰泛

濫之浮雲潘岳秋興賦曰日游揚而浸微。清室桂馥馮漢書曰清室則中夏含霜餘見本注。日月並重

輪。古今注曰漢明帝為太子樂人作歌四章以贊其德一曰日重光二曰月重輪五聲調曲王

斗調元協金沙富國租王斗本注已見蜀都賦劉逵

注云永昌有水出金如糠在沙中時晉公護獲王斗以

獻尉遲迴平蜀都故云。多士歸賢戚戚維城屬茂親

漢書文帝詔曰左賢右戚千寶晉紀成都王顯表曰成

都王顯明德茂親功高勲重餘見本注。北去邯鄲道

漢書張釋之傳曰上指視慎夫人新豐道曰此走邯

鄲道也。月金波而兩輪

魏文帝樂府有月重輪行

## 卷七

### 賀平鄴都表

○禮殊樂異樂記曰五帝殊時不相沿樂三王異世不相襲禮。至于文離武落

英華作文離藝文作天離。銜風之卷秋葉。銜風

注見三卷擬詠懷詩。○竊問伊洛戎夷幽并僭竊。本

注已見伊洛戎夷者魏自高歡入洛西魏遷長安東魏

遷鄴洛陽舊都東西接界此伊洛戎夷指高歡入雒故

下云百年逋誅三代敵怨矣左傳僖十一年夏揚拒泉

臯伊雒之戎同伐京師入王城焚東門正義曰釋例曰

諸戎雜居伊水雒水之間者河南雒陽縣西有戎城伊

水出上雒盧氏縣熊耳山東北至河南雒陽縣入雒雒

水出上雒縣冢領山東北經弘農河南鞏縣入河云幽

并僭竊者時齊王奔鄴留安德王延宗守晉陽延宗自

稱帝故云幽并僭竊。○三代敵怨俄然掃蕩。已見本

注左氏傳曰敵惠敵怨不在後嗣。○周王鮪水之師尚

勞再駕。鮪水已見本注云再駕者尚書曰惟十有一

年武王克殷又曰一月戊午師渡盟津陳琳為曹洪與

魏文帝書曰盟津有再駕之役言武王伐紂至于盟津

而還歸也按武王觀兵盟津諸侯曰紂可伐矣武王曰

女未知天命未可也乃還師歸居二年間紂昏亂暴虐滋甚乃率戎車三百人虎賁三千人以東伐紂是再駕也○軒轅上谷之戰猶須九伐本注已見史記曰黃帝禽殺蚩尤諸侯咸尊軒轅為天子伐神農氏周禮大司馬以九伐之法正邦國此云九伐必黃帝征伐共有九戰與上文再駕義同是所未詳山海經曰黃帝令應龍攻蚩尤蚩尤請風伯雨師以從大風雨黃帝乃下天女曰魃以止雨雨止遂殺蚩尤河龍魚圖云天遣玄女下授黃帝兵符伏蚩尤按黃帝戰蚩尤其難勝如此又史記云黃帝與炎帝戰于阪泉之野三戰然後得其意服皮曰阪泉地名皇甫謐曰在上谷是黃帝與蚩尤戰于涿鹿又與炎帝阪泉三戰俱在上谷故云上谷之戰猶須九伐也孔安國曰九黎君號蚩尤九伐一本作九代○若夫咸康之年四方始定本注咸康疑咸陽又疑太康者按咸康晉成帝年號史稱雄武之度有遜于前王恭儉之德追蹤于前烈且江表偏王四方未定不



得稱引餘無咸康之年始定四方者晉武帝咸寧五年十一月大舉伐吳明年為太康元年三月平吳似謂咸寧太康之間然何不云太康之年四方始定兩年號各截一字而稱咸康未妥對建武不工疑傳寫之誤又溫湯碑云神水蠲疴在于咸康之世神水蠲疴秦始皇事疑作咸陽是秦所都此亦疑咸陽謂秦并天下或稱太康謂晉平吳以喻周武帝平鄴將使天下一統也○離宮已遺 集作離宮英華作頃宮離宮已見本注隋書地志云太原郡後齊并州置省立別宮按後齊都鄴于并州立宮齊主行幸之所故云離宮周剋晉陽是離宮已遺也周武帝紀云建德四年大軍次并州齊王留其從兄安德王延宗守并州自將輕騎走鄴五年擒延宗并州平頃宮紂宮名呂氏春秋曰作為旋室築為頃宮高誘曰頃宮築作宮牆滿一項田中言博大也 賀

# 新樂表

○合天元于六舞 黃帝內經有天元紀後漢書陳寵奏曰三微三著以通三統周以天元殷

以地元夏以人元六舞詳見本注○作者之謂聖天之  
所啓乎樂記曰作者之謂聖述者之謂明左傳叔詹

曰臣聞天之所啓人弗及也○軒墀弘敞欄檻眺聽○

已見本注西京賦曰赫眎眎以弘敞伏檻檻以眺聽○

敢忘悅豫西京賦序曰是以衆庶悅豫○若使詳其

音律是所邈然但能記其鏗鏘于斯為幸陸機文賦

曰或含毫而邈然張銑曰邈然謂文遲成也為閭大將

樂記曰君子之聽音非聽其鏗鏘而已也

# 軍乞致仕表

○臣雖用命不能奇策劉向戰國策序曰度時君之所能行出奇策異智○功薄

賞厚後漢書馬援封新息侯請其故人孟冀曰我微

勞猥饗大縣功薄厚賞何以能長久乎○况復水土之

職王梁以應識受徵兵戈之王韓信以登壇獨拜語其

連類臣又何人本注已見王梁句謂閭慶為小司空

也韓信句謂慶拜大將軍也見周書本傳○無參賓客

之事禮記曰七十不與賓客之事○節宣失序左

氏傳子產曰節宣其氣○菁華已竭尚書大傳帝乃  
載歌曰菁華已竭塞裳去之○言從初服楚辭曰退

將修吾初服○徘徊城闕毛詩曰在城闕兮曹植贈  
白馬王詩曰顧瞻戀城闕○不任知止之情老子曰

知止代人乞致仕表○臣聞一葉將隕寧待于風露  
不殆陸機豪士賦序曰欲隕之葉無所

假烈風○臣某中謝史記陳軫傳云中謝對曰索隱  
曰謂侍御之官也○奉國太極宣緯中書東觀漢記

曰秘書監掌典圖書魏畧曰青龍二年起太極殿漢官  
儀曰舊置中書領尚書事中書掌詔誥答表皆機密之

事○出擁干旋入參衡鏡詩廊風曰子牙干旋云入  
參衡鏡者謂為吏部尚書或左右丞也○冰炭交集

莊子郭注曰喜懼交集于胸中固已結冰炭于五臟矣  
○逮東封之從者左傳燭之武曰既東封鄭又欲肆

其西齊王進白兔表○轍迹方開則銀麋入貢本注  
封已見宋書符瑞志曰白麋王者刑

罰理則至晉武帝咸寧元年白麋見琅琊趙王倫以獻  
宋景平元年白麋見南陽郡江陽太守王華獻之太祖  
太祖時入奉大統以為禪。史不絕書府無虛日。左  
傳女叔侯之辭。○効異披圖。漢書樂志齊房歌云宮

童効異披圖按牒。○庶重承廟算方事申威揜伐偃齊  
分韓裂趙。西征賦曰故制勝于廟筭荀悅申鑒曰高

祖申威于秦項陸機漢高祖功臣頌曰拾代如齊王進  
遺偃齊猶草哀江南賦云韓分趙裂裂注見彼處

# 蒼烏表

○是以東海輪禽乍改黔質。已見本注又禮  
斗威儀曰江海不揚波東海輪之蒼烏神仙傳

曰烏不日黔而黑。○駐乘木之精。禮斗威儀曰君乘  
木而王其政平南海輪以蒼烏。○無令赤鳳留止偏為

瘞王之歌。本注已見于義似有未確西京雜記曰十  
月十五日共入靈女廟以豚黍樂神吹笛擊筑歌上靈

之曲既而相與連臂蹈地為節歌赤鳳鳳來飛燕外傳  
曰后所通宮奴赤鳳者雄捷能踰觀閣並通昭儀赤鳳

始出少嫺館后適來幸時十月十五日宮中故事上靈  
女廟是日吹塤擊鼓歌連臂蹈地歌赤鳳來曲帝微聞  
其事畏后不敢問以問昭儀昭儀曰后妬我耳以漢家  
火德故以帝為赤龍鳳帝信之大悅按此是赤鳳歌又  
祭靈女廟可稱瘞玉山海經云用一璋玉瘞周禮有瘞  
理之玉帛牲是靈女廟祭得稱瘞玉然此便非好事本  
文雖有無使二字特以齊王進表臣下對君遣辭宜慎  
故本注不引又按漢世鳳凰神雀數來郡國因瑞紀年  
班固兩都賦序白麟赤雀芝房寶鼎之歌薦于宗廟神  
雀五鳳甘露黃龍之瑞以為年紀赤雁有歌神雀五鳳  
紀年而已集中謝朓王啓雁足數行誤寫鳳足此亦似  
赤雁之誤然鳳凰神物經籍弘多或別有所見未敢臆  
說也

### 齊王進赤雀表

○當今天不受寶地必呈祥禮運  
曰天不愛其道地不愛其寶○自應

長樂觀符漢書宣帝紀元康四年詔曰迺者神爵五  
采以萬數集長樂未央北宮按明年為神爵元年應劭

注曰前年神爵集于長樂宮故改元○豈直雲中太守見赤心之報主 陳留耆舊傳曰魏尚有罪繫獄有萬頭雀集獄樹上拊翼而鳴尚占曰夫棘中心赤外有棘蒙我言有棘而赤心之至誠也雀者爵命之祥其鳴即復也我其復官也 為晉陽公進玉律秤尺斗升表

晉國公護

本注已見地理志云太原郡晉陽故詩唐國周成王滅唐封弟叔虞晉水所出按叔虞封于晉陽故國名曰晉春秋之晉國是也護封晉國故云晉陽公矣○莫不器取疎通聲從安樂 月令曰孟春之月其器疎以達樂

記曰治世之音安以樂○九變九成定于中和之職中和一作和樂王褒四子講德論序曰褒既為益州刺史王褒作中和樂職宣布之詩又作傳名曰四子講德以明其意焉○被風俗平寒暑 從文苑英華本一本作化被風俗平分寒暑○般倖慮淺 西京賦曰命般爾之巧匠薛綜曰般魯般一名公輸子魯哀公時巧人

爾王爾皆古之巧者也。呂氏春秋曰：「倭至巧也。」又曰：「周鼎著倭而斲其指，高誘曰：「倭，堯之巧工也。」進象。

# 經賦表

○課虛為賦  
注見經藏碑

## 賀傳位於皇太子表

○不得與夫  
天之兩日之

再中並耀連輝，重明雙照。同年而語矣。崔豹古今注：

「日重光，月重輪，群臣為漢明帝作也。」明帝為太子，樂

人作歌四章以贊太子之德。一曰：「日重光，二曰：「月重輪，

三曰：「星重輝，四曰：「海重潤。」漢末喪亂，其二章亡。舊託云：

「天子之德光明如日，規輪如月，眾輝如星，霑潤如海。」太

子皆比德焉，故云重耳。○運獨見之，明行非常之事。

漢書元后詔曰：「運獨見之，明奮無前之威。」司馬相如難

蜀文曰：「有非常之人，然後有非常之事。」○既損既益，尚

或二天為難，為火何妨？兩日。後漢書蘇章傳曰：「人皆

有一天，我獨有二天。」此云二天，謂天元皇帝為一天，太

子即帝位，又為一天也。孟子云：「天無二日，民無二王。」此二帝並立，何妨兩日矣。為杞公讓宗師

驃騎表

○齊命九官是以光華日月九官已見本注  
光華日月出虞舜卿雲歌○母氏慈訓哀矜勞

苦詩曰母氏勞苦○几筵如在忍離鞠養之恩詩

云或肆之几或授之筵又云母兮鞠我毛傳鞠養也○

元戎驃乘別選賢能之臣○漢書曰宣功臣不死王事

帝始立謁見高廟大將軍光從驃乘

請門襲封表

○竊以殷朝繼及無廢小宗本注已見  
云繼及者及謂兄終弟及也尚書有殷王

兄終弟及

卷八

謝滕王集序啓

○愈唱愈高殆欲去天三尺○列子曰  
秦青作歌響遏行雲去天三尺者言其

與天相近也○濟北顏淵後漢書吳祐傳曰祐以光  
錄四行遷膠東侯相時濟北戴宏父為縣丞宏年十六



從在丞舍祐每行園嘗聞諷誦之音奇而厚之亦與為友卒成儒宗知名東夏官至酒泉太守章懷太子注引濟北先賢傳曰宏字元襄剛縣人也年二十二為郡督郵曾以職事見詰府君欲撻之宏曰今鄙郡遭明府咸以為仲尼之君國以小人少為顏回豈聞仲尼有撻顏回之義府君異其對即日教署主簿也按宏濟北人又有顏回之稱故云濟北顏淵已見本注以其少畧故更述焉。江陵百六 本注已見後漢書董卓傳贊曰百六有會注云前書音義曰四千五百歲為一元一元之中有九元陽元五陰元四陽為早陰為水初入元百六歲有陽元故曰百六之會。殘編落簡 任昉為褚咨議讓襲封表曰府之延閣則青編落簡。又已雜用補袍 詩品曰拘摩補衲盡文已甚。故知答趙王啓。假人延譽 國語曰使張老延譽于四方。即承張幕全韓連營上池 一本上有某啓二字。○雲氣浮壘流星泛枕 壘一作壘應劭曰壘有雲雷之象以

金飾之枕疑作枕流星謂酒也拾遺記曰張華為九醞酒翅出北胡胡中有指星麥四月火星出來熟而獲之以之釀酒醇美○當乎此時青雲之上揚雄解嘲曰當塗者升青雲○本分泥沈西征賦曰奮迅泥滓善日凡人沈于卑賤故曰泥滓○霜露沾衣魏文帝詩曰霜露沾人衣

謝趙王示新詩啓

○文異水而湧泉筆非秋而垂露潘岳贈潘尼詩曰馳思泉湧垂露注見謝明帝啓謂字體也言趙王作詩而手書之也○下風傾首孔叢子曰伋願在下風陸雲大將軍宴會詩云承顏下風漢書翟方進傳曰天下傾首服從謝趙王絲布等啓○鄭獻至蒙賜絲布綾等十段王褒至又賜許賜錢等英華

作王褒至又蒙許賜錢等按許賜疑是蒼頭名如陸君游十賚文賚爾蒼頭一人厥名多益此必王褒至隨帶蒼頭許賜及錢物等故下文有楊池掘荷李園移樹既欣谷利彌思青林等語言賚此蒼頭若楊氏之僕命以

掘荷李衡之客往令移樹谷利既吳大帝奴故本注青  
林亦疑奴名矣又按謝靈運山居賦曰拂青林而激波  
此云彌思青林其蜀漢千樹之說與若作又蒙許賜錢  
等豈鄭獻至齋絲布等而來王褒至但口許耶是英華  
之誤

# 謝趙王齋絲布啓

○雪似瓊田凌如鹽浦  
霰似瓊田西京雜記曰寒日雨凝

于上體尚輕微而因風相襲故成雪焉寒有高下暖  
下寒則上合為大雨下凝為冰霰雪是也餘見本注子  
虛賦曰驚于鹽浦郭璞曰鹽浦海邊地多鹽鹵○津實  
秉杼英華作津費秉杼杼謂機也小雅大東詩曰  
東大東

# 又謝趙王齋絲布啓

○青衿宜襲書生無廢  
學之詩青衿已見本

杼袖其空

注詩序曰子衿刺廢學也○冒廣樂之長風猶當揮汗  
一作廣廈稽康琴賦曰廣廈閒房戰國策曰揮汗成

# 雨謝滕王齋巾啓

○解角新胎戴藤初孕  
鹿角解高誘曰解墮也交州記合浦

康頭山有一鹿額上戴科藤一枝四條直上各丈許見太平廣記。翠羽懸推已見本注。又左氏傳曰：鄭子華好聚鵲冠，正義曰：釋鳥云：翠鵲李巡曰：鵲一名為翠，其羽可以為飾。說文曰：翠青羽翟也。謝趙王

賚犀帶啓

貫藏文馬如燒安息之銀。詳見本注。以錢幕為騎馬故云。貫藏文馬左傳宣二年曰

宋人以兵車百乘文馬百駟以贖華元于鄭杜注云：畫馬為文。帶插通犀似獵雲南之獸。華陽國志曰：雲南郡有熊倉山，上有神鹿，一身兩頭，食毒草，此云似之也。餘見本注。昔沈義將盡逢司命而還生。沈義已見本注。英華載注一條云：三國志注童子謂柱鐵司命使我召子鐵固請童子謂求代者。沈義未詳按此不知何人所注。豈太平興國諸臣耶？沈義事見神仙傳。其年壽將盡，仙官下迎，是逢司命而還生。

卷九

連珠

○謀謨出于胸臆

登樓賦曰氣交憤于胃臆○

截飛虎之翼

本注

已見韓詩外傳曰周書曰為

虎傅翼也不亦殆乎○蟻穴銜泉未知遠慮

韓子曰

千丈之隄以螻蟻之穴而隤後漢書陳忠上疏曰隄潰

蟻孔○蓋聞膏脣喋喋

後漢書宦者傳呂強上疏陳

事曰群邪頂領膏脣拭舌

注云膏脣拭舌謂欲讒毀故

也○德陽淪沒不復能臨偃師

本注以黃圖景帝廟

號德陽宮光武景帝之後都于洛陽是德陽之靈能臨

偃師矣又按東京宮殿亦有名德陽者後漢書鍾離意

傳云後德陽殿成百官大會注云漢宮殿名北宮中有

德陽殿靈帝紀光和元年五月有老人入德陽殿門亡

去不獲按此又似德陽偃師俱指東都以喻遷都之宮

殿淪沒不復興也○荆棘參天

曹植送應氏詩曰荆

棘上參天○既非貽厥

詩云貽厥孫謀○駝麟之馬

趙壹窮鳥賦曰抗駝麟倚門邊注云抗駝高亢倖直之

貌也駝音莽此云駝駝謂馬骨也○博士留秦

史記

曰叔孫通者薛人也秦時以文學待詔博士通曰我幾不脫于虎口適亡去之薛○惆悵自憐楚辭惆悵兮而私自憐○吁可畏也靈光殿賦吁可畏乎其駭人也

## 卷十

湯解祝網讚

○連珠雙起合玉雙沈

注見六經總釋又竹書記年沈約注曰帝堯在位七十年

日月如合璧五星如連珠

袁盎諫文帝讚

○跡迴松坂穆天子傳曰天子至于長松之坂

周公戒伯禽讚

○鳴玉來朝

禮記曰君子行則鳴玉以相

高鳳

好書不知流麥讚

○流連經笥

後漢書邊韶傳曰腹便便五經笥

鶴讚

○先遭見

羈鮑照鶴賦云掩雲羅而見羈○籠摧月羽弋碎霜衣鮑照鶴賦云疊霜毛而弄影振玉羽而臨霞

# 卷十一

答移市教

○希風慕義之士 後漢書黨錮傳曰海內希風之流共相標榜○卧轍反車之流 後

漢書侯霸傳曰霸為臨淮太守被徵百姓扳轅卧轍此反車疑作扳車

又移齊河陽執事

文

○安鄴城旁 鄴城齊所築也

安移虜留使文

○三元告慶 王燭寶典曰正月一日為

元趙國公集序

○光迴白日 昭只○豈直熊羆旦上

大招云青春受謝白日 本注已見熊

羆一本作熊熊對下文燄燄史記天官書說歲星云熊熊赤色有光下云炎炎有光此熊熊猶炎炎也○自魏

建安之末晉太康以來雕蟲篆刻其體三變 已見本

注又鍾嶸詩品序曰降及建安曹公父子篤好斯文平

原兄弟鬱為文棟劉楨王粲為其羽翼太康中三張兩陸兩潘一左敎爾復興踵武前王風流未沫亦文章之

中興也永嘉時貴黃老稍尚虛談于時篇什理過其詞  
淡乎寡味逮義熙中謝益壽斐然繼作元嘉中有謝靈  
運才高詞盛富艷難蹤固已含誇劉郭陵轢江左故知  
陳思為建安之傑公幹仲宣為輔謝客為元嘉之雄顏  
延年為輔斯皆五言之冠冕文詞之命世也

### 丘乃敦崇傳

營丘郡領營丘郡正光末置○范

陽文昭公魏書地形志幽州范陽郡漢高帝置涿郡

後漢章帝改○河交二州刺史靈壽縣開國公隋書

地志枹罕郡舊置河州隴西郡長川縣後魏置安陽郡

西魏改曰北秦州後又改為交州魏書地形志定州常

山郡有靈壽縣○公子公孫聲名籍甚杜預左傳注

曰諸侯之子稱公子公子之子稱公孫漢書陸賈傳曰

賈以此游漢廷公卿間聲名籍甚○清廉郡公主地

形志東雍州郿郡清廉縣有清廉山○王姬有行王

姬本注已見詩曰女子有行○平陽縣開國公地形



志晉州平陽郡平陽縣○少年習象 禮記曰成童舞  
象○却日橫雲之陣 本注已見却日 一作却月荊州  
記曰純陽縣至汧口水北有却月城○彎弓則戟破小  
支 後漢書呂布事注見馬射賦○廣化郡開國公  
隋書地理志梁州河池郡河池縣後魏廣化郡○夫人  
贈安德郡長公主 地形志冀州安德郡太和中置○  
恒山殺翮豈望同飛 已見本注又家語顏回曰回聞  
恒山之鳥生四子焉翼既成將分于四海其母悲鳴而  
送之○至于新邑 新邑謂洛也尚書召誥云周公朝  
至于洛則達觀于新邑營○安樂縣開國公 隋書地  
志安樂郡密雲縣舊安樂郡○蒲虞勳三州 隋書河  
東郡後周曰蒲州明帝二年于河北置虞州絳郡稷山  
縣有後周勳州○長城郡君 隋志平涼郡百泉縣後  
魏置長城郡屬雍州○靡神不禱 詩雲漢之詞也

## 卷十二

麥積崖佛龕銘

○如攻水玉

注引山海經已見郭璞注引相如上林賦曰水玉磊砢赤松子

所服見終南山義谷銘

○模象大壯

英王帳山銘○

列仙傳

雲起幕西京雜記曰成帝設雲帳

雲幄雲幕于甘泉紫殿世謂三雲殿

行雨山銘

英華

作彩

天緣劇

藕絲

# 卷十三

五張寺經藏碑

○銀函東度本注已見王子年拾遺記曰元封元年浮忻國貢蘭金之泥金

狀混混若泥如紫磨之色百鑄其色變白有光如銀即

銀燭是也常以此泥封諸函匣及諸宮門鬼魅不敢干

漢世上將出征及使絕國多以此泥為璽封衛青張騫

蘇武傳介子之使皆受金泥之璽封也此云銀函謂佛

經用金泥封諸函匣也。○身雖繫馬英華本作鳥云疑作馬步陸碑。○黃河參凌或

亡追路後漢

書臧洪傳曰黃巾群起青州刺史焦和恐賊乘凍渡河多作陷冰丸以投于河中遂潰散按凌冰也故凌陰為冰室幽風云納于凌陰是也。○以高平霸業所基魏書地形志原州領郡二高平長城。○腰恒四綬朱穆

與彭寵書曰身帶三綬李善注云三綬者古人兼官者

一官一綬也。○忠公兕殪本注引唐叔射兕又呂氏

春秋曰荆莊王獵于雲夢射隨兕中之申公子培刳王

而奪之王曰何其暴而不敬也命吏誅之左右大夫皆

諫曰子培賢者也又為王百倍之臣此必有故願察之

也不出三月子培疾而死荆興師戰于兩棠大勝晉歸

而賞有功者有申公子培之弟進賞于軍旅曰臣兄之

有功于軍下王曰何謂也對曰臣之兄犯暴不敬之名

觸死王之罪于亡之側其愚心將以忠于君王之身而

持千歲之壽也臣之兄嘗讀故記曰殺隨兕者不出三

月是以臣之兄驚懼而爭之故伏其罪而死王令人發  
平府而視之于故記果有乃厚賞之申公子培其忠也  
可謂穆行矣穆行之意人知之不為勸人不知不為沮  
行無高乎此矣按忠公二字當引申公子培事言步陸  
之忠也爾雅崔說碑○樂毅羈旅猶思燕路樂毅已  
日兒似牛見本注漢書曰廣武君斗酒以享

士大夫北

### 司馬裔碑

○荊州刺史襲封瑯琊郡王  
志豫州南陽郡舊置荊州徐州東

海郡胸山縣舊曰胸置瑯琊郡○梁益秦寧充青豫鄂  
洛十州諸軍事揚州牧梁州禹貢華陽黑水之地周

時以併雍部及漢又析置益州秦州禹貢雍州之域魏  
始分隴右置焉天水郡是其治也北地郡後魏置豳州

西魏改寧州荊州禹貢荆及衡陽兗州禹貢濟河之地  
北海郡舊置青州豫州禹貢荊州之地江夏郡舊置鄂

州後魏領郡三安陽城陽汝南洛州即河南洛陽有漢  
以來舊都舊置洛州後魏置司州凡十州也揚州禹貢

淮海之地也。○以終灰燧。左傳成二年云宋文公卒始厚葬用蜚炭杜云燒蛤為炭正義曰炭亦灰之類雖

灰亦得稱炭賈逵曰燧火燧也禮有金燧木燧皆取火之物。○懷邵汾晉四州諸軍事懷州本注上文已見

隋志冀州絳郡垣縣後魏置邵郡後周置邵州文山郡東魏置南汾州後周改為汾州後齊為西汾州後周平

齊置總管府。○魏獻帝之曾孫趙穆王之季女北史帝紀云帝諱弘文成帝長子趙靈王幹獻帝第三子幹

二子謚謚嗣爵謚長孫儉碑。○鼎飪未和須公而正謚貞景謚謚孝懿說文曰飪大熟也聲如甚

切尚書曰若作和羹爾惟鹽梅即此意也。○公狀貌丘墟風神磊落玉山秀立喬松直上史記曰顏氏禱于

尼丘而生孔子生而首上圩下因名曰丘云世說曰王武子孫子荆各言其上地人物之美孫曰其人磊砢而

英多大尉答平子曰誠不如卿落落穆穆晉書山濤曰叔夜之為人如巖巖若孤松獨立其醉也悵然若玉山

之將頹。○忠孝純深樞機周密西征賦曰程侯之忠  
孝淳深後漢書徐防傳曰防體貌矜嚴占對可觀顯宗  
異之特補尚書郎職典樞機周密畏慎奉事二帝未嘗  
有過。○鐘歸大呂本注已見呂氏春秋曰齊之衰也  
作為大呂高誘曰大呂陰律十二月也又狐援說  
齊湣王曰王必勉之其無使齊之大呂陳之廷

## 卷十四

紇干弘碑

○水上浮瓜青衿不戲

本注未詳又引會稽典錄及劉敬叔異苑以稱衡之解曹娥碑

也會稽典錄曰孝女曹娥者上虞人父盱為水所淹不  
得其尸娥年十四號慕思盱乃投瓜于江存其父尸曰  
父在此瓜當沈旬有七日瓜偶沈遂自投于江而死邯  
鄲子禮為之作碑異苑曰陳留蔡邕避難過吳讀碑文  
刻石傍作八字魏武見而不能了以問群寮莫有解者  
有婦人浣于汾渚曰第四車解既而稱正平也衡即以

離合義解之或謂此婦人即娥靈也按本文序田弘幼  
敏故上文月中生樹引徐孺子事此浮瓜不戲事類王  
戎苦李子不得其解史籍言瓜者多必得水上浮者為  
確文人用辭語或烹鍊邯鄲作碑序曹娥水上浮瓜之  
事蔡中郎稱其絕妙好辭禰正平弱冠知名獨得其解  
管見窺之亦似水上浮瓜青衿不戲也恐臆見穿鑿故  
稱未詳俟得其說削札補之○公仗劍轅門本注引  
樊噲事又漢書陳平仗劍間行歸漢此謂弘自原州歸  
順周太祖似引陳平仗劍也○西平反羌本有漁陽之  
勇鳳州叛氏又習仇池之氣本注已見隋書地理志  
云西平郡舊置勝州後漢書西南夷傳云白馬氏者武  
帝元鼎六年開分廣漢西部今以為武都土地險阻居  
于河池一名仇池地方百頃四面斗絕注云仇池山在  
今成周上祿縣南山秦記曰仇池縣界本名仇維山上  
有池故名仇池山在滄洛二谷之間常為水所衝激故  
下石而上土形似覆壺仇池記曰仇池百頃周回九十

四步天形四方壁立千仞自然樓櫓卻敵分置調均疎起數丈有踰人功仇池凡二十一一道可攀援而上東西二門盤道下至上凡有七里上則崗阜低昂泉流交灌鄠元水經注曰羊腸盤道三十六回開山圖謂之訾夷所謂積石嵯峨嶽岑隱阿者也上有平田百頃煮土為鹽因以百頃為號也○蔡州周書太祖紀魏廢帝三年改南雍為蔡州 余綿永碑○蒙賞昌平縣屬燕○更立九十九姓還

存三十六國本注已見魏書官氏志周書太祖紀具載其事詳十六卷總釋烏石蘭氏墓誌○遷濟陰郡君

隋書地志濟陰郡後魏置西兗州後周改曰曹州○總牧三蕃任昉為范始興作求立太宰碑云三藩士

女李善注引蕭子顯齊書曰子良為會稽太守南徐州刺史南兗州刺史斯謂之三藩也賀婁公碑

○巴水浩翁浩一本作深○愁氣連雲虞義詠霍將軍北伐詩曰瀚海愁雲生○連旗廣武本注已見



又漢書韓安國傳曰孝文皇帝又嘗擁天下之精兵聚之廣武常谿張宴曰廣武雁門縣是有兩廣武一在滎陽高帝所築一在雁門文帝聚兵之處也

**普屯威碑**

○校戰丹山山海經曰有始州之國有丹山

郭注云此山純出丹朱也竹書曰和甲西征得一丹山今所在亦有丹山丹出土穴中

**慕容寧碑**

○步騎分四陳之威○騎舊本作奇○郎閣儲峙本

注已見又袁宏後漢紀曰時年不豐民食不足詔賣廩

馬百餘匹御府大司農出雜繒二萬匹與馬直賜公卿

以下及貧民不能自存者李儼曰我郎閣儲峙少乃不

承詔悉載

**豆盧永恩碑**

○開新安之鄉還移楊僕之關解弘農之圍更入劉昆之郡

置其營

周書魏大統三年太祖自弘農入關東魏將高敖曹退

守洛陽獨孤信至新安敖曹圍弘農聞其軍敗復走渡

河信遂入洛陽開新安之鄉者謂獨孤信至新安也解

弘農之圍者謂太祖平弘農也時寧並預前驅言今之

開新安鄉猶昔楊僕之移闕新安也今之解弘農園猶昔劉昆之出守弘農也○並預前驅詩云為王前驅○迴洛光徒本注已見又按北齊書庾迴洛代人也高祖舉兵信都迴洛擁衆歸義從破四胡于韓陵又破周文于河陽邙山之役力戰有功疑謂此人為光徒○幽冀定相等五州諸軍事幽州刺史隋書地志涿郡舊置幽州後周平齊置總管府信都郡舊置冀州又博陵郡舊置定州魏郡後魏置相州後周置六府

## 卷十五

鄭偉墓誌

○襄城郡公隋志潁川郡襄城縣舊置襄城郡○洛城晝掩黃河凌合袁宏後漢紀

曰朱鮪使蘇茂將三萬人渡河襲溫寇恂馳赴大破之乘勝渡河環洛陽城乃還自是洛陽震恐城門晝閉九州春秋曰初平中焦和為青州刺史時黃巾寇暴和作陷冰丸乘河令賊不得渡見魏志臧洪傳注周禮凌人

掌冰正歲十二月令鑿冰三其凌鄭注凌冰室也。○梁武帝大造中原樹君伊洛。南史梁武帝紀云大通二年冬十月丁亥以魏北海王顥主魏遣東宮直閣將軍陳慶之衛送還北是歲魏武泰元年尋改為建義又改曰永安左傳呂相絕秦曰是我大有造于西也中原謂洛陽也伊洛二水名東京賦曰沂伊背洛左伊右瀍。○公憑軾棧車言歸舊壤左氏傳曰請往憑軾而觀之說文曰棧棚也竹木之車曰棧聲士限切詩曰言告言歸。○公恥入亂階詩云職為亂階。○功高舍爵一作勇爵。○事獲交綏左氏傳曰乃出戰交綏注見又移齊河陽執事文。○都督司豫洛相冀五州諸軍事司州刺史河南洛陽古豫州之地舊置洛州後魏置司州後周置總管府相州冀州注見十四卷總釋丘盧永恩碑。○郡公會葬咸得同盟之禮左氏傳稱諸侯五月而葬同盟至。○策封郊次左傳僖三十三年曰秦伯素服郊次又文四年云楚人滅江秦伯為之降服出

次不舉杜注云出次辟正寢。樞機周密出納清通。皇甫謐集云尚書文士之樞機也。漢書曰張安世領尚書事職典樞機以謹慎周密自著內外無間。晉書曰裴楷清通。都尉兩道。一作都護兩道。侯莫陳

# 道生墓誌

○在秦作劉本注已見劉向高祖頌云降及于周在秦作劉謝眺齊敬皇后策文曰在

秦作劉與此皆引劉子政文也。○位在支軍魏志表紹傳曰沮授說紹可遣將蔣奇別為支軍于表以斷曹公之鈔紹復不從。隸天柱介朱榮征北海王北海王元顥也。魏書爾朱榮傳曰建義初北海王南奔梁主為魏主資以兵將顥乘徑進滎陽武牢俱不守榮與顥相持于河上令都督爾朱兆等率精騎夜濟顥奔詔加榮天柱大將軍。○隨太師賀拔勝入關。○周書賀拔勝傳曰勝奔梁還至長安詣闕謝罪朝廷嘉其還乃授太師。○披圖疏爵漢書樂志曰披圖按牒史記英布傳勝公曰上裂地而王之疏爵而貴之注云漢書音義

曰疏分禹決江疏河是也。○鄆縣開國公。隋志京兆郡鄆縣是。○朔州刺史。隋志扶風號縣魏置武都郡。

後周置朔州。○宜敷絳三州諸軍事。宜敷二州注已見隋志。絳郡後魏東雍州後周曰絳州。○安邑郡夫人。

魏書地形志河北

### 宇文顯和墓誌

○長廣縣公。隋志東萊郡膠水縣。

郡有北安邑南安邑

舊曰長廣。○武帝初至潼關。大祖親迎。漆水。潼關左傳所謂桃林之塞是也。地理志云漆水在河南。說文

云漆水在鄭國南。入于洧。周書云帝從洛陽率輕騎入關。太祖備儀衛奉迎。謁見東陽驛。○滄州刺史。魏書

地形志熙平二年分瀛冀二州置滄州。治饒安城。○黃公衡之決事。事一作王。○東夏州刺史。隋志延安

郡後魏置東夏州。西魏改為延州。置總管府。○小馬留廐餘牀掛柱。小馬猶瘦馬。華陽國志張翕為郡乘二

馬之官。一馬死一馬病。翕曰吾將步還也。魏畧曰裴潛為兗州刺史。嘗作一胡牀及其去也。留以挂柱。○雖非

漢陽之城還似扶風之路漢陽諸葛亮事注見齊王  
憲碑臧榮緒晉書曰扶風王駿字子淵宣帝第七子也  
都督雍涼州諸軍事後薨民更樹碑替述德範長老見  
碑者無不拜之任昉求立太宰碑表云庶存馬駿必拜  
之感○丹延綏三州諸軍事延州刺史延州即東夏  
州注見上隋志延安郡義川縣西魏丹州雕陰郡西魏  
綏州○豈直不聽離樂以變齊國之風不食鮮禽以斷  
荆王之獵本注已見漢書張敞奏書諫曰臣聞荆王  
好淫聲樂陽后為不聽鄭衛之樂楚嚴好田獵樊姬為  
不食鮮禽之食○擬金北陸鳴玉南宮北陸南宮已  
見本注子虛賦曰擬金鼓師古曰擬撞也金鼓謂鉦也  
擬音蔥禮記曰君子行則鳴珮玉西征賦曰鳴玉以出  
入禁門者衆矣○生茲秉德詩周頌曰秉文之德○  
能防變色漢書金日磾傳莽何羅袖白刃從東箱上  
見日磾色變走趨卧內欲入行觸寶瑟日磾禽  
縛之○戟中小支後漢呂布事注見馬射賦司馬商

墓誌

○水鏡三臺 晉書曰樂廣為尚書郎尚書令衛

而見青天也餘見本注○王道既平絲言惟允 尚書  
曰王道平平禮記曰王言如絲○尋除始州刺史 隋

志普安郡梁置南梁州後改為安州西魏改為始州○  
峰危馬束水險橋飛 漢書郊祀志曰寡人北伐山戎

過孤竹東馬懸車上辟耳之山魏志曰毋丘儉懸車束  
馬以發九都後漢書曰公孫述遣任備等據荊門虎牙

橫江水起浮橋○仍為信州刺史 隋志巴東郡梁置  
信州後周置總管府○將啓北戶之人向通雲南之國

淮南子曰南方之極自北戶之界至炎風之野赤帝  
祝融之所司雲南已見本注又晉書地志曰雲南郡蜀

置統縣九有雲平雲南○贈本官加懷邵汾晉四州刺  
史 注見總釋十四卷碑文○年方小馬 本注云竹

馬又按果下馬稱小馬漢書霍光傳曰皇太后御小馬  
車張宴曰漢庭有果下馬高三尺以駕輦師古曰小馬

可於果樹下乘之故號果下馬  
此云小馬童子可乘疑此類也

**吳明徹墓誌**

○大司馬名高江漢

舊誤作西漢一本作霄漢○勇爵登朝材官入選

左氏傳曰齊莊公為勇爵漢書霍光傳曰發材官輕車

北軍五校士軍陳至茂陵以送其塋○丹陽尹 晉書

地理志曰元帝渡江建都揚州改丹陽太守為尹○北

軍中候 本注已見魏畧曰中領軍延康置故漢北軍

中候之官也○南北兖青譙五州諸軍事南兖州刺史

南平郡開國公 晉書地理志曰兖州禹貢濟河之地

惠帝之末闔境淪沒元帝僞置兖州寄居京口明帝以

郝鑒為刺史寄居廣陵置濮陽等郡後改為南兖州隋

志江都縣梁置南兖州青州禹貢海岱之地自永嘉喪

亂青州淪沒元帝渡江于廣陵僞置青州隋志東海郡

梁置南北二青州江都郡盱眙縣陳置北譙州清流縣

舊曰頓丘置新昌郡及南譙州此云五州者南北兖其

三州非南北青即南北譙也晉書地理志南北郡吳置以



為南郡太康元年改曰南平統縣四。○畫馬何追。本  
注已見云畫馬者左傳宣二年云宋人以兵車百乘文  
馬百駟贖華元于鄭杜注云畫馬為文四百匹  
正義曰謂文飾雕畫之若朱其尾鬣之類也。鄭常墓

誌。○山陽太守。晉書地理志曰山陽郡屬南充州。○  
年猶小學。西京雜記曰史佚教其子以爾雅爾雅

者小學也。○授木縣開國男。一本作永安縣隋志西  
河郡永安縣是。○廣饒縣公。注見常碑。○嗚呼吏人

攀墓。嗚呼下一本有哀哉二字。○德星猶照。本注

引陳仲弓事此必鄭氏之先有此星聚之事未詳。○星

占飛步。律歷書。柳遐墓誌。○義陽內史。晉書地志

曰五星為五步。武帝平吳分南陽立義陽

郡。○臨川王。隋志揚州臨川郡舊置。○宜都太守

晉書地理志曰宜都郡吳置統縣三。○輕車西昌侯作

藩襄漢。隋志廬陵郡泰和縣舊曰西昌南史梁宗室

傳曰長沙宣武王懿子藻字靖藝天監元年封西昌縣

侯為益州刺史。歷雍、兗二州刺史。○驃騎廬陵王帝子出藩懸衡高選。南史列傳曰：廬陵威王續，字世訢，武帝第五子也。天監八年封廬陵王，中大通二年為都督。

雍州刺史，寧臺校尉，大同元年又為驃騎將軍。○永化縣令。按下文：日南金柱合浦珠泉，永化縣當屬交

州。○聞喜縣公。漢書地理志：河東聞喜縣，武帝置。蕭

# 世怡墓誌

陽郡。○鄱陽。晉書地理志曰：孫權分豫章置鄱陽郡。○茂親明德。丘希範與陳伯之書曰：

中軍臨川殿下明德茂親，總茲戎重。○公子出身非郎官而同品。陸機皇太子清宴詩序曰：余以太子洗馬

出補吳王郎中。○以公居之誠為高選。晉起居注云：東宮洗馬一時之高選。○北閭從班榮深，顧問。漢書

百官公卿表曰：給事中亦加官，大博士議郎掌顧問應對。○通籍兩宮。三輔黃圖曰：漢宮門各有禁，非侍衛

通籍之臣不敢妄入。蔡質漢典職儀曰：南宮至北宮中，央作大屋複道，三道行。天子從中道從官夾左右十步。

一衛兩宮相去七里。○臨川內史。臨川注見總釋柳  
遐誌內。○桂陽內史。隋志荊州桂陽郡郴縣舊置桂

陽郡。○既布衣而函谷字文廣墓誌。○漁陽鼓譟。左傳成  
五年曰宋公子圍寃為

質于楚而歸。華元享之。請鼓譟以出。鼓譟以復入。曰習  
攻。華氏宋公殺之。杜預曰出入輒擊鼓也。○創鉅愈增  
禮記三年問曰創鉅者其日久痛甚者其愈遲三年  
者稱情而立文。所以為至痛極也。正義曰以釋重喪者  
所以三年也。創小則  
易差。創大則難愈。

## 卷十六

譙國夫人步陸孤墓誌

○文安公。隋志河間郡文安  
縣是。○躬勞蠶月。詩云蠶月

條桑。○椒山止戈。史記吳世家曰吳王率精兵以伐  
越。敗之。夫椒。注賈逵曰夫椒越地。杜預曰太湖中椒山

也此云椒山亦謂吳地○燕垂從宦後漢書五行志曰燕南垂趙北際中央不合大如礪惟有此中可避世

沈約和謝宣城詩曰從宦非宦侶○北降帝子楚辭曰帝子降兮北渚○風月無情宋武帝擬漢武帝李

夫人賦曰趙國夫人紇豆陵氏墓誌○建昌郡公隋徘徊風月

西魏建昌○鄧國公地理志南陽鄧縣是○孟津大

誓常預同德之臣本注已見秦誓曰子有亂臣十人

同心同德○內主邯鄲內主注見總釋烏石蘭註內

○豈止莊姬掩笑楚相知慚本注引列女傳亦見韓

詩外傳○悲深長葦潘岳悼亡詩云長葦竟空床

○厭狄駢駢厭一作瑜注別見○西臨火井一作

冰井劉遠蜀都賦注云蜀郡有火井在臨邛縣西南一

本作冰井者水經注云武陽城西門名冰井門門內曲

中冰井猶存○松悲鶴去草亂螢生○安昌公夫人鄭

上語注見鶴譜月令曰腐草為螢火

氏墓誌

○籍連帝譜既同盤石 史記漢文帝紀宗昌曰高帝封王子弟地犬牙相制此所謂盤石之

宗也索隱曰言其固如盤石此語見太公六韜○隴東桑園蠶織 一作績詩云婦無公事休其蠶績

郡公夫人竇氏墓誌

○永安郡君 魏書地形志肆州永安郡後漢建安中置新興郡永

安中改○與善何言

注見和永

冠軍公夫人烏石蘭

豐○至于大漸

注見鄭常誌

氏墓誌

○司空佐命魏朝太傅凝丞周室並為大族俱蒙賜姓 本注已見魏太和中詳定族姓有司

空穆亮乃是魏朝佐命之臣魏恭帝時論功定姓有太傅于謹又是周室凝丞之相比兩次定姓烏石蘭並為大族俱蒙賜姓非謂烏石蘭氏有司空佐命魏朝又有太傅凝丞周室也恐覽者以上父魏司空句誤故更述焉謹按周書稱魏氏之初統國三十六大姓九十九後多絕滅至是各從其姓明帝三年詔稱三十六國九十

九姓自魏氏南徙皆稱河南之民今周室既都關中宜  
改京兆人是烏石蘭氏在九十九姓之內見于魏志此  
作烏石蘭魏書作盟石蘭音之相似也石氏之為烏石  
蘭猶丘氏之為敦丘羅氏之為叱羅綿氏之為爾綿干  
氏之為紇干竇氏之為紇豆陵陳氏之為侯莫陳其餘  
不可殫述集中碑誌于彼諸姓功高祿厚有足稱者烏  
石蘭雖是大姓功績蓋微史傳或缺故特稱其氏姓耳  
李陵書曰其如佐命立功之士也後漢書二十八將傳  
論曰稱為佐命亦各志能之士也禮記曰虞夏商周有  
師保有凝丞○秦晉匹也是曰通家左傳懷嬴曰秦  
晉匹也何以卑我後漢書孔融傳曰李膺勅外自非當  
世名人及與通家皆不得白○金鄉郡君隋志豫州  
濟陰郡金鄉縣是○三事內主左傳齊侯使  
晏嬰請繼室于晉叔向曰撫有晉國賜之內主鄭國公  
夫人鄭氏墓誌

魏伯陽縣侯  
○風急松悲  
隋志天水郡秦嶺縣後  
願延年拜陵

墓詩曰松風遵路急。○香墳永送。本注已見。又按劉

表合葬墓棺中著異香。注見余綿永碑。劉荊州之墓合

葬裏水。楊林伯夫人羅氏墓誌。○朗月空嗟。潘岳悼

之陽句。亡詩曰歲寒無與同。朗

月何。松滋公夫人尉遲氏墓誌。○母金明公主。魏書

地。形志。夏州領金明郡。

真君十二年置。○移苗。冠軍伯夫人李氏墓誌。○大夏

即序。苗謂車苗也。縣君

魏書地。形志。河州金城郡領大夏縣。○

荒涼象設。楚辭曰象設君室。靜間安。

以上總釋如州郡遷移南北僑置九州十部雖循舊

名已非故跡其總軍出守有其事而無其文者始或

缺焉今皆補註以魏書隋志俱悉載之可得詳也至

于除授官爵詞藻所撰既已詮解若但記其遷轉而無文章稱述者多不注以彼時逢革命代有更絃即如周太祖遠師周禮及至周末多從更改南北諸史無志可考周書盧辨傳特舉其大畧隋書百官志及之又雜隋時官職槩引恐近繁蕪唐宋類典亦有畧考職官者予素不喜其書且一事策勲遞遷累轉亦非文字之要故仍從其闕畧耳

庾子山集總釋



謹案第二十一頁前四行四曰海重潤刊本潤訛  
潤今改

第二十二頁後六行謝趙王絲布等啓落去賚字  
第二十三頁前六行又謝趙王賚絲布啓落去息  
字

前七行注冒廣樂之長風云云係謝趙王賚白  
綾袍袴啓另是一篇誤注此下

第二十七頁後五行注益梁秦寧充青豫郢洛

十州據十三卷本文究字上落去荆字





總校官進士臣胡榮

校對官助教臣金學詩

謄錄監生臣江長鎰